

حکیم عبداله

نومبر ۸۹

۱۵ رمضان ۱۳۳۱ - ۵ آگستوس ۱۳۲۹

دریچہ سنہ

پازار ایتسی

قائم سنہ ۱۳۳۱

نوبہات عبداله

خداوندگار ولایتی داخلندہ میخالیج و کرماستی و اینہ کول و عشاق و صندوقی و قونیہ ولایتی داخلندہ
 افشہر و قرمان و وارکوب و اقسرائ و انقرہ ولایتی داخلندہ خیامہ و بوغازیان و سنغورلی و طررزون ولایتی
 داخلندہ اردو و کرسون پواتنہ و خوپہ و سیواس و ولایتی داخلندہ زارہ و ذیلہ و قسطمونی ولایتی داخلندہ
 اینہ بولی و بوی آباد و اطنہ ولایتی داخلندہ طرسوس و معمورۃ العزیز ولایتی داخلندہ ہسنی و چشکزرک و آیدین
 ولایتی داخلندہ برغمہ و الاتہر و نازلی و حلب ولایتی داخلندہ کلیس و ادلب و قدس شریف و سنجان
 داخلندہ غزہ و قلعہ سلطانیہ سنجان ولایتی داخلندہ بیغا قضااری بدایت محکمہ لرینہ عائد دعاوی حقوقہ و تجارتیہ
 الیہ معاملات اجرائیہ نیک رؤیتی مذکور قضاار جزا رئیس لری عہدہ لرینہ تفویض اولنشدہ .

اشبو ارادہ سنہ نیک اجراسنہ عدلیہ ناظری مأموردرہ .

۲۲ شعبان سنہ ۱۳۳۱ و ۱۳ تموز سنہ ۱۳۲۹

محمد رشاد

صدر اعظم

عدلیہ ناظری

محمد سعید

ابراہیم

*

*

معموره العزیز ولایتی مرکز بدایت محکمه سنک بدائرة به قصرندن دولای ولایت مذکوره مرکز سنجاغنه تابع قضالر محاکمندن قابل استیناف اولمق اوزره صادر اوله حق حقوق و جزا حکملری ایچون ولایت مذکوره استیناف محکمه سی مرجع استیناف اتخاذا ایدلمشدر.

اشبو اراده سنیه نك اجراسنه عدلیه ناظری مأموردر.

٢٢ شعبان سنه ١٣١٠ و ١٣ سنه تموز ١٣١١

محمد رشاد

عدلیه ناظری

صدر اعظم

ابراهيم

محمد مهدي

منحل اولان درساعات بدایت محکمه سی اعضالغنه يك اوغلی بدایت محکمه سی اعضاسندن حاجی ابراهيم بك وبغداد ولایتی استیناف محکمه سنه عائد دعاوینك اهمیت و کثرتندن طولای محکمه مذکوره نك ایکی دائره به تقریقيله استیناف محکمه سی حقوق و تجارت دائره سی ریاسته محکمه مذکوره رئیس نجاتی و جزا دائره سی ریاسته حلب ولایتی استیناف محکمه سی جزا دائره سی رئیس عزت و مذکور بغداد ولایتی استیناف محکمه سی اعضالغنه محل آخره نقلی استدا ایدن بصره ولایتی استیناف محکمه سی اعضاسندن محمد علی وحلب ولایتی استیناف محکمه سی اعضاسندن ایساق و اشقودره استیناف محکمه سی اعضاسندن حسین حسنی و کرقرور کال وبصره ولایتی استیناف محکمه سی اعضالغنه قوصوه استیناف محکمه سی اعضاسندن عبدالرحمن شرف و منحل اولان بغداد ولایتی مرکز تجارت محکمه سی ریاسته ولایت مشارالیه مرکز بدایت محکمه سی جزا دائره سی رئیس شوکت و ریاست مذکوره به طهران محکمه شهیدریه سی رئیس سابق توفیق و آیدین ولایتی مرکز تجارت محکمه سی ریاسته بغداد ولایتی تجارت محکمه سی ریاسته ترفیع ایداشیکن اسباب صحیه درمیانیه محل مأموریتته عزیمتده اعتذار ایدن کرقرور و اطنه ولایتی استیناف محکمه سی اعضاسندن قالوست افندینك وقوع استعفاسی ملاسه سیله یرینه حلب ولایتی استیناف محکمه سی اعضاسندن زنوب و قره عیسالو قضاسی بدایت محکمه سی ریاسته کره نحاس ناحیه سی بدایت محکمه سی رئیس محی الدین و کره نحاس ناحیه سی بدایت محکمه سی ریاسته ادرمید قضاسی بدایت محکمه سی مدعی عمومی معاونی احمد ثریا و ادرمید قضاسی بدایت محکمه سی مدعی عمومی معاونلکنه تحویل طلبنده بولنان عشاق قضاسی بدایت محکمه سی مدعی عمومی معاونی نظمی وعشاق قضاسی بدایت محکمه سی مدعی عمومی معاونلکنه قونیه مکتب حقوقندن علی الاعلی درجه ده مآذون ایوب صبری و رفاهیه قضاسی بدایت محکمه سی ریاسته صاسون قضاسی بدایت محکمه سی رئیس

سابق محمد شفیق وادلب قضاسی بدایت محکمه سی ریاسته عجلون قضاسی بدایت محکمه سی مدعی عمومی معاونی صلاح الدین و اسپر قضاسی بدایت محکمه سی ریاسته الاشهر قضاسی بدایت محکمه سی مدعی عمومی معاونی مسعود و کیفی قضاسی بدایت محکمه سی رئیس احمد حلمی افندینك وقوع استعفاسی حسنیله یرینه سیلوان قضاسی بدایت محکمه سی رئیس سابق حسین فهمی و سیلوان قضاسی بدایت محکمه سی ریاسته بهسنی قضاسی بدایت محکمه سی مدعی عمومی معاونی اثر الدین و محمودی قضاسی بدایت محکمه سی ریاسته پاسینلر قضاسی بدایت محکمه سی مدعی عمومی معاونی مصطفی صبری و دیدین قضاسی بدایت محکمه سی ریاسته بولانق قضاسی بدایت محکمه سی مدعی عمومی معاونی علی راسخ و قویله حصار قضاسی بدایت محکمه سی ریاسته اسپر قضاسی بدایت محکمه سی رئیس سابق ثریا و اوف قضاسی بدایت محکمه سی ریاسته زونغولداق قضاسی بدایت محکمه سی مدعی عمومی معاونی رحمی و انطاکیه قضاسی بدایت محکمه سی مدعی عمومی معاونلکنه تعیین اولنان حسن سامی افندینك وقوع استعفاسنه بناء یرینه سلائیك مکتب حقوقندن علی الاعلی درجه ده مآذون حسین راسم و اچقه طاغ قضاسی بدایت محکمه سی مدعی عمومی معاونلکنه درساعات مکتب حقوقندن علی الاعلی درجه ده مآذون محمد شمس الدین و توتوم قضاسی بدایت محکمه سی مدعی عمومی معاونلکنه درساعات مکتب حقوقندن علی الاعلی درجه ده مآذون عبده ثروت و شتاق قضاسی بدایت محکمه سی مدعی عمومی معاونلکنه درساعات مکتب حقوقندن علی الاعلی درجه ده مآذون فاضل و بشیری قضاسی بدایت محکمه سی مدعی عمومی معاونلکنه قونیه مکتب حقوقندن علی درجه ده مآذون ولایت مذکوره استیناف محکمه سی مدعی عمومی قلمی کتبه سندن مصطفی فاضل و شمعدیان قضاسی بدایت محکمه سی مدعی عمومی معاونلکنه پراویشته بدایت محکمه سی اعضاسندن سلائیك مکتب حقوقندن علی درجه ده مآذون صالح صدق و عجلون قضاسی بدایت محکمه سی مدعی عمومی معاونلکنه قونیه مکتب حقوقندن علی الاعلی درجه ده مآذون اسماعیل حق و آلا شهر قضاسی بدایت محکمه سی مدعی عمومی معاونلکنه درساعات مکتب حقوقندن علی الاعلی درجه ده مآذون حاجی حسین و زونغولداق قضاسی بدایت محکمه سی مدعی عمومی معاونلکنه محمودی قضاسی بدایت محکمه سی مدعی عمومی معاونی یونس بحری و بهسنی قضاسی بدایت محکمه سی مدعی عمومی معاونلکنه حلب ولایتی استیناف محکمه سی اعضا ملازمی محی الدین و حلب ولایتی استیناف محکمه سی اعضا ملازمکنه وقوع طلبیه و حق ترفیعی محفوظ قالمق شرطیه مرجان قضاسی بدایت محکمه سی رئیس سابق سلیمان ثروت و طربزون ولایتی مرکز بدایت محکمه سی اعضالغنه قره عیسالو قضاسی بدایت محکمه سی رئیس سعاد و حکاری سنجاغی بدایت محکمه سی اعضاسندن حمدی افندینك ترك مأموریت ایتسنه مبنی مستعفی عدلیه یرینه درساعات مکتب حقوقندن علی درجه ده مآذون نعمان ناظم و بارطین قضاسی لوا بدایت محکمه سی اعضاسندن اندروقلی افندینك وقوع استعفاسندن ناشی یرینه سیروز بدایت محکمه سی اعضاسندن مؤیس و کنج سنجاغی بدایت محکمه سی اعضالغنه لسان عربیه عدم وقوفی الجاسیله اخر محله نقلی لازم کلن حلب ولایتی مرکز بدایت محکمه سی اعضاسندن

طاهر و حلب ولایتی مرکز بدایت محکمه سی اعضا لغه در سعادت مکتب حقوقدن علی الاعلی در جده مآذون عبدالعزیز افندیلر نقل و تعیین اولمشدر .
اشبو اراده سنیه نك اجر اسنه عدلیه ناظری مأموردر .

۲۴ شعبان سنه ۱۲۳۰ و ۱۵ تموز سنه ۱۲۲۹

عدلیه ناظری صدر اعظم
ابراهیم محمد سعید

بتلیس ولایتی عدلیه مدیری فائق افندینك صفت حاکمته منافی احوالی مأموریتده بقاسنه مانع کورلدیکندن عزلیله و مذکور عدلیه مدیرینك اغویله ولایت مذکوره استیناف محکمه سی ریاسته طرابلس غرب استیناف محکمه سی ریاستیدن آچقده قالان عثمان توحید ومنحل اولان حلب ولایتی استیناف محکمه سی جزا دائره سی ریاسته موصل ولایتی استیناف محکمه سی جزا دائره سی رئیس احمد صائب وموصل ولایتی استیناف محکمه سی جزا دائره سی ریاسته جزائر بحر سفید استیناف محکمه سی رئیس علی رضا وبعض احواله قارشى وظیفه سی سوء استعمال اتمسی اوزرینه تحت محاکمه یه آلان یوزغاد سنجاغی استیناف محکمه سی مدعی عمومسی جودت افندینك عزلیله برینه تحویل مأموریتده لزوم کورلن طربزون ولایتی استیناف محکمه سی مدعی عمومسی توفیق و طربزون ولایتی استیناف محکمه سی مدعی عمومسی اشقودره استیناف محکمه سی مدعی عمومسی خلیل آچقده قالان وصفی و اکین قضاسی بدایت محکمه سی ریاسته هرکیت بدایت محکمه سی رئیس حافظ خلیل حلیم و کاخ قضاسی بدایت محکمه سی ریاسته کرپه قضاسی بدایت محکمه سی رئیس نجیب ومنحل اولان دیوریک قضاسی بدایت محکمه سی مدعی عمومی معاونیکنه آخر محله تحویلی اقتضا ایدن انقره ولایتی مرکز بدایت محکمه سی مدعی عمومی معاونی مصطفی کمال وسینوب سنجاغی بدایت محکمه سی اعضا لغه در سعادت مکتب حقوقدن علی الاعلی در جده مآذون خرسنو و موش سنجاغی بدایت محکمه سی اعضا سندن استپان افندینك وقوع استعفا سی حسبله برینه دیگر محله نقلی ایجاب ایدن بتلیس ولایتی مرکز بدایت محکمه سی اعضا سندن موسیس و بارطین لوایدایت محکمه سی اعضا سندن علی فؤاد افندینك وقوع استعفا سنه بناء برینه ایلبصان بدایت محکمه سی اعضا سابقه سندن حسیب افندیلر نقل و تعیین و دیار بکر ولایتی مرکز بدایت محکمه سی مدعی عمومسی تعیین اولنان رشدی افندینك محل مأموریتنه قبل العزیمه استعفا اتمسینه و سلفی عثمان رمزی افندینك موجب عزل اولان ماده دن مرجعنه منع معارضه قرارى صدور ایله برابر مأموریتنده ابقا ایدلسنك ولایت مذکوره مقامیدن ومأمورین و اهالییدن برچوق کسینلر طرفلرندن اشعار اولمسینه مبنی مومی الیه مادن رشدی افندینك

قبول استعفا سیله عثمان رمزی افندی مذکور مدعی عمومسیله اعاده اولمش ولسان عربیه عدم وقوفی حسبله تحویل مأموریتی ایجاب ایدن حلب ولایتی مرکز بدایت محکمه سی مدعی عمومسی حسیب افندی ایله خداوندکار ولایتی مرکز بدایت محکمه سی مدعی عمومسی عبدالکریم و بجایش مأموریت طلبنده بولسان بتلیس ولایتی استیناف محکمه سی اعضا سندن نجیب افندی ایله وان ولایتی استیناف محکمه سی اعضا سندن مصطفی وهی وینه محل آخره نقلی ایجاب ایدن منتفك سنجاغی بدایت محکمه سی مدعی عمومی معاونی محمود رامز افندی ایله دیوانیه سنجاغی بدایت محکمه سی مدعی عمومی معاونی صادق مظهر و محل آخره نقلی استندما ایدن لاذقیه سنجاغی بدایت محکمه سی اعضا سندن توفیق افندی ایله حلبه احباب علاقه دن اولمسندن طولای بی طرفانه وظیفه سی ایفا ایده مدیکی آکلاشیلان طرابلس شام سنجاغی بدایت محکمه سی اعضا سندن احمد مقدم و محالری اهالی سندن اولملرندن ناشی تحویللری ایجاب ایدن سنجاغی بدایت محکمه سی اعضا ملازم لردن عبدالحمد افندی ایله طرابلس شام سنجاغی بدایت محکمه سی اعضا ملازم لردن عبدالستار افندیلرک بجایشلری اجرا قلمش و شیران قضاسی بدایت محکمه سی مدعی عمومی معاونیکندن مازدین سنجاغی بدایت محکمه سی اعضا لغه تحویل مأموریتی اجرا ایدیلن محمد توفیق افندی دخی وقوع طلبنه مبنی مأموریت سابقه سی اولان شیران قضاسی بدایت محکمه سی مدعی عمومی معاونیکنه اعاده ایدلشددر .
اشبو اراده سنیه نك اجر اسنه عدلیه ناظری مأموردر .

۳۰ شعبان سنه ۱۲۳۱ و ۲۱ تموز سنه ۱۲۲۹

عدلیه ناظری صدر اعظم
ابراهیم محمد سعید

قوانین و نظامات

حیوان سرقتنك منعی حقنده قانون موقت

[تقوم وقایع ایله نشر واعلانی : ۱۸ جمادی الاولی ۱۳۳۱ ۱۲ نیشان ۱۳۲۹ - نومرو ۱۴۴۲]

ماده : ۱ حیوان صائمق ایستیلر مختاردن اون پاره مقابلنده مقطوع علم وخبر آلمغه مجبوردرلر. صاتیلان حیوان علم وخبریه برابر مشتری یه تسلیم اولنور . بالیه ویا محلی هیئت اختیاریه سنجه اون پاره مقابلنده یکی علم وخبرله تبدیل اولنور . یکی علم وخبر اسکی علم وخبرك منشأی ونومروسی ده قونور . علم وخبری مستصحباً

چارشویه کیدوب حیوانلری صاته میانلر ایکنجی دفعه ایچون علم و خبر آلمغه مجبور اولیوب اولجه آلدقلى علم و خبری عین حیوان ایچون قوللانه بیلورلر .

ماده : ۲ بر قریه ویا محله دن حیوان سرقت ایدیلنجه حیوان صاحبی قریه نك چوبانه ویکجیسنه و مختارینه واک یقین قره غوله خبر ویره جکدر .

ماده : ۳ مسروق حیواناتک مقداری و مهمما امکن اوصافی و اشکالی و اسنانی ضبط ایدیله جک و جوار قری مختارانله قره غوللرینه و ناحیه مدیرینه درحال بیلدیریله جکدر .

ماده : ۴ ناحیه مدیرلری تلغرافله و تلفونه ویا ژاندارمه ایله جوار مأمورین ملکیه و اجرائیه سنی وقوع سرقتدن خبردار ایده جکدر .

ماده : ۵ کوی بکچی و مختارلری و ژاندارمه لر سرقتدن خبردار اولنجه هان حیواناتک ایزلرینی تعقیب و نتیجه تعقیبدن مافوقلری خبردار ایده جکدر .

ماده : ۶ مسروق حیوان ایزی بر قریه ویا عشیره ویا چفتلکه ویا تک خانه وماندره لره منتهی اولنجه او عشیرت ویا قریه اهالیسی ویا چفتلک و تک خانه وماندره صاحب ویا مستأجرلری یا ایزک کندی حدودلری خارجه چقیدیغنی اثبات ویا سارق اخبار ویا خود حیوانک بدلی علی طریق التقسیم تأدیه ایتمه مجبوردرلر .

ماده : ۷ ایز بر قاق قریه ویا عشیرت آره سنده غائب اولورسه ینه آلتنجی ماده یه توفیق حرکت اولنور .

ماده : ۸ ایز بر قصبه یه منتهی اولورسه اشبو معامله مدخلنده بولنان محله حقنده تطبیق اولنوب سائر محلاته تشمیل ایدیله من .

ماده : ۹ مسروق حیوان بدلتک قریه ویا محله اهالیسنه علی طریق التقسیم تضمینی معامله سی ناحیه مدیرینک ویا وکیلنک تحت نظارتنده هیئت اختیاریه طرفندن اجرا و ضابطه طرفندن تحصیل و حصه لری ویرمکدن امتناع ایدنلرک ماللرینه مراجعت اولنور . مجانین و معتوهین و صیدلر و محتاجین و طول قادیسلر و یتیملر و معینسز عسکر عائله لری بدل ضمانه اشتراکدن استثنا ایدیلورلر .

ماده : ۱۰ حیوان سرقتی وقوعنده حیوان صاحبی ویا قریه اهالیسی بر ویا بر قاق کشیدن شبهه ایدرلرسه مظنونلر اصولاً اثبات مکانه مجبور طوتیلورلر .

ماده : ۱۱ برینک یدنده مسروق بر حیوان الده ایدیلنجه حکومتجه ضبط و سکنز کون اعاشه و کیفیت اعلان اولنور . بومدت ظرفنده حیوان صاحبی ظهور ایدرک مالی اولدیغنی ناحیه ویا بلدییه مجلسی حضورنده اثبات ایدرسه حیوان علم و خبر مقابله تسلیم ایدیلور . بومدت ظرفنده صاحبی ظهور ایتزسه حیوان صاتیله رق اعاشه مصرفی بعدالتنزیل اوست طرفی امانه بلدییه ویا ناحیه صندوقه یا تیریلور . بر سنه ظرفنده حیوان صاحبی چیقار و مالی اولدیغنی اثبات ایدرسه پاره صاحبنه تسلیم اولنور ظهور ایتزسه حیوان بدلی بلدییه ویا ناحیه امور خیریه سنده صرف ایدیلور .

ماده : ۱۲ چوبانلرک ویا اصحابنک تحت محافظه سنده اولیه رق باشی بوش حیوان صالیویرمک ممنوعدر . بو یولده طوتیلان حیوانات حکومته تسلیم اولنور و بالاده کی ماده یه توفیقاً ایقای معامله ایدیلور . بوکی حیوان صاحبلی ظهور ایدرسه اعاشه مصرفدن بشقه بریشلکدن اون بشلکه قدر جزای تقدی آلتور . [بوجزالر ناحیه و نواحی تشکل ایتمین یرلرله قضا لدره بلدییه مجالسجه تعیین و تحصیل اولنور .]

ماده : ۱۳ ساری خسته لقدن تلف اولان حیوانات دریلرله دفن اولنورلر .

ماده : ۱۴ حیوان سارقلری و مشترکلی و مسروق حیواناتی بیلهرک و بالاحتیار صاقلایانلر و صاتانلر و سارقلره یتاقلق ایدنلر و حیواناته متعلق رسمی علم و خبرلرله بالتحریف بیلهرک استعمال ایدنلر و آخرک حیواناتی بلا ضروره قصداً تلف ایدنلر جزا قانوننامه هایونی احکامنه توفیقاً مجازات اولنور .

ماده : ۱۵ نروده اولورسه اولسون تذکره سز حیوان صاتمق و صاتون آلق و معامله بیعیه بیلهرک واسطه اولق ویر حیوان علم و خبرینی مسروق اولان حیوان ایچون استعمال ایتک و مسروق حیوان حقنده کی معلومات و شهادتی کم و اخفا ایتک و ساری خسته لقدن تلف اولان حیوانی دریسيله برابر دفن ایتامک افعال ممنوعه دن اولوب فاعللری حقنده جزا قانوننامه هایونک (۹۹) نجی ماده سنک اوچنجی ذیلنه توفیقاً یکریمی درت ساعتدن بر آیه قدر حبس ویا برلیرادن اون بش لیریه قدر جزای تقدی حکم اولنور .

ماده : ۱۶ حیوان سرقتندن طولانی مظنوناً در دست اولنوب حقلرنده موجب توقیف دلائل قویه موجود اولانلرک تحقیقات و محاکمه سی موقوفاً اجرا اولنور .

ماده : ۱۷ حیوان سرقت ویا سارقلره یتاقلق ایتدکاری شایعاً معلوم اولان کسان حقنده منسوب اولدقلى قری و محلاتله جوار محلات هیئت اختیاریه سنجه تنظیم و ضابطه محلیه جه تصدیق اولنه جق ضبطنامه اوزرینه بومقوله اشخاصک ضابطه نظارتی آلتنده بولنق اوزره آلتی آی ولایتلری خارجه تبعیدلرینه محاکمه حکم اولنور . بو صورتله ولایتلری خارجه تبعید ایدیلنلر اکمال مدتدن صکره قریه لرینه عودتله تکرار عینی حالده بولنورسه حقلرنده مظنه سؤ قانوننک اون برنجی ماده سنه توفیقاً معامله اولنور .

ماده : ۱۸ مسروق حیواناتی تعقیبه تجویز تراخی ایدن مأمورلر و بلا سبب حیوان علم و خبری ویرمکده تعلل ایدن مختارلر و بوکی علم و خبری تصدیق امتناع ایدن اختیار هیئتلری جزا قانوننک (۱۰۲) نجی ماده سنه توفیقاً مجازات اولنورلر .

ماده : ۱۹ اشبو قانون تاریخ نشرندن اعتباراً مرعی الاحکامدر .

ماده : ۲۰ اشبو قانونک تطبیقنه داخلیه و عدلیه ناظرلری مأموردر .

اشبو قانونک مجلس عمومینک کشادنده قانونیتی تکلیف ایدلک اوزره موقتاً موقع مرعیه وضعی و قوانین دولته علاوه سنی اراده ایدرم .

۱۲ جمادی الاولی ۱۳۳۱ ۶ نیسان ۱۳۲۹ محمد رشاد
عدلیه ناظری ابراهیم
داخلیه ناظری عادل
صدراعظم محمود شوکت

۱۱ جمادی اولی سنه ۳۳۱ تاریخ صلیح ماکملری قانونه مذیل ماده موقته صورتی

ماده ۱ - ۱۱ جمادی الاول سنه ۱۳۳۱ تاریخ صلیح ماکملری قانونه مذیل ماده موقته رؤیتی صلیح ماکملریک و ظائفی داخلنده اولوب اولجه بدایت محاکمه اقامه ایدلش و صلیح ماکملریک ایفای وظیفه تاریخنه قدر نتیجه لشدیر یله ممش اولان بالجه دعای صلیح ماکملری قانونه توفیقاً محاکم ابتدائیه جه فضل و رؤیت اولنه جقدر

ماده ۲ - اشبو ماده قانونیه نشرینک ایرتسی کونندن اعتباراً مرعی الاجراد

ماده ۳ - اشبو قانونک اجراسنه عدلیه ناظری مأموردر

اشبو قانونک مجلس مبعوثانک اجتماعنده قانونیتی تکلیف اولمق اوزره اجرای احکامی و قوانین دولته علاوه سنی ازاده ایدرم
۶۱ رمضان سنه ۳۳۱ و ۲۷ تموز سنه ۳۲۹

عدلیه ناظری

صدر اعظم

محمد رشاد

مفتش عمومیلرک وظیفه و صلاحیتلری حقه حقه تعلیمات

برنجی ماده : مفتش عمومیلر مأمور اولدقلری دائره داخلنده مناسب کوردکلری شهری کندیلری یچون مرکز اتخاذ ایدرلر .

ایکنجی ماده : دائره لری داخلنده بالذات ویا بالواسطه اجرا ایده جکلری تفتیشات و تدقیقاتک و صور اجراییه سنی کندیلری تعیین ایدرلر .

اوجنجی ماده : مفتش عمومیلر طرفندن لزوم کوسترلدیکی تقدیرده اقامتکاهلرنده مخابره و معاملات رسمیه ایچون تلغراف مأموری ، ژاندرمه ویا عسکر بولندیریلیر .

دردنجی ماده : مفتش عمومیلر ؛ اداره ولایات و اداره نواحی قانونلری احکامنک و قوانین و نظامات سائر دولتک دائره تفتیشیه لری داخلنده حسن تطبیق و اجراسنی تفتیش و تأمین ایدرلر .

بشنجی ماده : مفتش عمومیلر ؛ دائره تفتیشیه لری داخلنده تطبیق ایدلمکده اولان قوانین و نظامات دولتک احتیاجات حقیقه و محلیه توافقی ایتیان موادی تعدیل ایچون اسباب موجهلی لوائح قانونیه تنظیم و والیرک مطالعه سنی دخی استفسار ایتدکدن صکره باب عالییه انها ایده جکلری کی قوانین و نظامات مذکوره نک دائره تفتیشیه لری داخلنده صور تطبیقیه سنی تسهیل ایده جک تعلیماتنامهلر تنظیم و بونلری برای تصدیق عائد اولدقلری نظارتیه ارسال ایدرلر .

آلتنجی ماده : مفتش عمومیلر ؛ دائره تفتیشیه لری داخلنده اداره ولایات قانوننک اوجنجی ماده سنه توفیقاً تشکیلات ملکیه اجراسنه حاجت مس ایدن موافقی تعیین ، والیرک و قول اردو قوماندانلریک مطالعه سنی دخی آلهرق بوباده کی لوائح قانونیه یی احضار وایکی ولایتیه دخی مناسبتی اولدینی ادعا اولنان فری و نواحینک جهات ارتباطیه سنی تعیین ولوا و قضا مرکز لریک تبدیلی ، حدود لریک تعدیل و تصحیحی و قضا و ناحیه لریک فک و تحویل ارتباطلری حقه حقه ماده مذکوره حکمنه توفیقاً ولایات مجالس عمومیه سنجه لریله جک قرارلر حقه حقه کی مطالعاتی داخلیه نظارتیه اشعار ایدرلر .

یدنجی ماده : مفتش عمومیلر ؛ اداره ولایات قانوننک دردنجی ماده سنی موجبجه دائره تفتیشیه لری داخلنده کی سیار عشار و قبائلک صورت اسکان و اداره لری حقه حقه بونلرک امرجه و ایجابات موقعیه و احتیاجات اجتماعیه لریه موافق نظامات خصوصیه لایحه لری تنظیم و داخلیه نظارتیه ارسال و بونلرک توطینیه زراعت و صنعت ایله تأییدلریه قدر قطعات معمولیه ضرر ایقاع ایتلریه میدان ویرمیه جک صورتده ولایتلره بالخبره تدابیر لازمه اتخاذ ایدرلر .

سکرنجی ماده : دائره تفتیشیه لری داخلنده کی عناصر ارده سنده حسن آمیزشی تأیید و تقویه ایلک و بین العناصر بر سوء تفهم وارسه انی ازاله ایتک و مساوات حقوقی تأمین ایله هرکسک حقوق حریتی سیاناً محافظه ایتدیرمک مفتش عمومیلرک جمله وظایفنددر .

طقوزنجی ماده : مفتش عمومیلر ؛ بالجه مأمورینک ترجمه حاللری ، درجه اهلیت و لیاقتلری و عهدیه لریه مودوع وظائفی حقیقه ایفا ایدوب ایتدکلری بالذات و بالواسطه تدقیق و تفتیش ایدرلر .

اونجی ماده : مفتش عمومیلر ؛ سوء حال و اداره لریه مطلع و کفایتسز لکلریه قانع اولدقلری مأمورینی ایجابیه کوره عزل و یا بشقه بر محله نقل ایتدیروب موجب مجازات احوالی تبیین ایدنلری ده طوغریدن طوغری به تحت محاکمه الیرلر .

اون برنجی ماده : عزل و نصبلری ولایتلره مودوع اولان مأمورینه متعلق قرارلری والیرلر تبلیغ و دوائر مرکزیه دن منصوب اولانلر ایچون ده نظارت عائد سنه انها ایدرلر و عنداللزوم هر ایکی صنف مأمورین لشدن ال چکدیرلر .

اون ایکنجی ماده : مفتش عمومیلر طرفندن عزل ایتدیریلن مأمورین حقه حقه بالخبره عزل ایجاب ایتدیرن قانونی و اداری اسباب آکلاشلمدقجه جواز استخدام قراری ویرله منر .

اون اوجنجی ماده : هر دائره تفتیشیه داخلنده مستخدم اولان مالیه ، عدلیه ، ژاندارمه ، نافع و زراعت مفتشلری مأمورین ولایات مثللو مفتش عمومیلرک نظارتی التده اولوب کندیلریه واقع اوله جق تبلیغاتی انفاذ ایدرلر . بومفتشلر مأموریتلری خاوی تعلیماتیه توفیقاً اجرا ایده جکلری تفتیشات راپورلریک اضلرینی مفتش عمومی به صورتلری ده منسوب اولدقلری نظارتلره تقدیم ایدرلر . مأمورینک وظائف مأموره لریه

متعلق تحقيقات و تفتيشات راپورلرينك ده كرك نظارتلردن و كرك مفتش عموميلردن و يريلن امر اوزرينه ياپلش اولسون اصللري مفتش عموميله ، صورتلري نظارتلره كوندريه جكدرد .

اون دردنجي ماده : ماليه مفتشلري طوغريدن طوغري به ماليه نظارتنه مربوط اولوب نظامنامه مخصوص دائره سنده وقوع بولان تفتيشات لايحه لرني نظارت مشارالياهو ارسال ايدرك لويحك برر صورتني مفتش عمومي به اعطا ايدرلر . مفتش عمومي بر ماده مخصوصه نك مستعجلاً تفتيشنه لزوم كوروب ده مفتش عموميلك مركرنده بولنان سر مفتشه تبليغ كيفيت ايلديكي تقديرده سر مفتش يابالذات يا خود ديكر بر مفتش معرفيله تفتيشات لازمه ني اجرا ايدرك اوباده تنظيم اولنان لايحه ني مفتش عمومي به اعطا ايتكه مجبور در . بوكي تفتيشادن ماليه نظارتني ده خبردار ايلر .

اون بشنجي ماده : مأمورين عدليه دن موجب عزل و محاكمه افعالي اكلاشيلان مأمور ؛ لاي نعل حكام صنفدن ايسه تحت محاكمه آلديرلسي مفتش عمومي طرفندن عدليه نظارتنه انهابايديلر و بوانها اوزرينه نظارتجه ياييله جق معامله برهفته دن زياده تأخير ايدلر .

حكامدن اولديني تقديرده عزل ايله يرلرينه ديكر لرلرينك تعييني درجه مأموريتلرينه نظراً مفتش عمومي طرفندن عدليه نظارتنه انهابا استيناف مدعي عموميلرينه تبليغ اولنور .

اون التنجي ماده : محاكماتك هر درلو تأثيردن عاري اوله رق كمال استقلال و حريله جرياني و حكامك هيچ بر نفوذ و مداخله دن متأثر اولماسي اسبابنك تأميني مفتش عموميلك اهم وظائفنددر .

اون يدنجي ماده : امور عدليه نك قسم اداري و تحريريسي اصلاح و انتظام و اطراد دائره سنده جريانك تأميني ايچون مفتش عمومينك تبليغاتي مأمورين عدليه جه واجب الاتباعدر .

اون سكرنجي ماده : هر دائره تفتيشيه داخلنده ژاندارمه و پوليسه عابد تشكيلات و تنسيقات مفتش عموميلك نظارت و معلوماتي آلتنده جريان ايدر .

اون طقوزنجي ماده : ژاندارمه و پوليس تشكيلات و تنسيقاته محتاج تعديل جهتلر كورلديكي تقديرده مفتش عموميلر طرفندن واليلرك رأيي استفسار اولندقدن صكره وقوع بوله جق اشعار اوزرينه اداره مركزيه جه تعديلات مقتضيه اجرا اولنور .

يكرمنجي ماده : مفتش عموميلر ؛ ولاياتك خدمات عموميه به مخصوص و عمومي بودجه به داخل اولان مصارفي على المفردات تدقيق و فضله و نقصان كوردكلري مقاديري واليلرك مطالعه سني آلدقدن صكره انهابا ايدرك اسرافات و ارسه منع و احتياجات حقيقيه دن دون مصارفي حد كفايه به ابلاغ ايتديرلر .

يكرمي برنجي ماده : مفتش عموميلر ؛ واردات عشرينه نك حقوق خزينه و اهالي بي متساوياً محافظه به كافل اولقله برابر زراع ايچون اضاعه زماني و مشكلاتي موجب اولمقسزين اليوم مرعي اولان قواعددن ذهابا سياه و سهل التطبيق اصوللره استحصال اسبابني تدقيق و مركزه عرض و تكليف ايدرلر .

يكرمي ايكنجي ماده : مفتش عموميلر ؛ املاك و اراضي و تمتع و ير كورلرينك طرح و تحصيلي حقنده تدقيقات اجرا و لزوم كوردكلري محالرده واليلرك مطالعه سني استحصال ايتدكدن صكره تحريري تجديد و ياباشلامش اولان تعديلات عموميه به اصلاح ايچون تكليفاتده بولنه بيلرلر .

يكرمي اوچنجي ماده : مفتش عموميلر ؛ ارباب اختصاصدن مركب اوله رق رفاقتلرنده بولنه جق هيات فيه معرفيله دائره تفتيشيه لرني داخلنده كي اورمان و معدنلرك دولت و مملكتجه شايان استفاده بر صورتده محافظه سي و اعمال و اراضي نك اصلاحيله زراعتك ترقيسي و مصارف استحصاليله نك تقليمي و معارف عموميه ايله صنايع و تجارتك توسيعي و موارداتك تسهيلي و الحاصل ولاياتك علماً و ثروناً و اقتصادن اعتلاسي ايچون اقتضا ايند بالجمله تشبثات نافعني تدقيق ايتديروب نظارتلرك صلاحيتلري داخلنده اولان مواد اصلاحيله نك تطبيق ايچون واليلره مأذونيت اعطا و مصارفي عمومي بودجه ده قارشيلق تخصيصه و بر قانون مخصوص تنظيمه اراده سنيه به محتاج اولان قسمي نظارت عانده سنه انهابا ايدرلر .

محكمه تميز مفراني

محكمه تميز مفران

محكمه تميز مفران دائره سنده صادر اولان ۱۸ اغستوس سنه ۳۲۸ تاريخي ر ۵۱۹ نومردلي اعلام صورتي در :

« بدل صلح دعوا سي »

ازميرده برنجي قوردونده تجار دن بالجي پانده لي ايله اوده مشده مقيان رنجبر حاجي يوركي اوغللري استاوري و ديونيسي بيننده متكون دعوايه دائر آيدن ولايتي استيناف حقوق محكمه سندن ۱۶ تشرين ثاني سنه ۳۲۷ تاريخي و يتمش ايكي عدليه و يريلوب مرقوم پانده لي طرفندن تميزاً تدقيق استدعا قلناسان اعلام طرفينك اعتراض و جواب لايحه لريله برابر بالمطالعه تدقيقات تميزيه اجرا سنه ابتدار قلندي .

اعلام مذكور مندرجاتنه نظراً مرقومان استاوري و ديونيسك مزبور پانده لي عليه اقامه ايتمش اولديني اعاده فراغ و مستهلك محصول بدلي اولان يوز اللي ليرانك تحصيلي حقنده جريان ايدن محاكمه و تدقيقاتي نتيجه سنده بوكي مواضعه دعوا لري سندسز استماع ايديله ميه جيكي كبي مدعيلر طرفندن مبرز مكتوبده ده مذكور باغلرله ترلارك مواضعه مدعي عليه نك نامنه كچورلديكنه دائر برصراحت كوريله مامسنه مبني دعواي واقعه نك ردينه دائر صادر اولان اعلام عليه ده مرقومان استاوري و ديونيسي طرفلرندن استيناف دعوايه بالقيام اعلام مستأنف به بعض اسباب قانونيه به مبني فسخ اولندقدن صكره مستأنفلر و كيكي

موکلرینک مرقوم پانده لی یه اوچ یوز لیرا مقابلنده و اوچ سنه مدتله ظاهرده قطعی و حقیقتده ذهن اولمق اوزره بیع و فراغ ایله کوری اوده مش داخلنده قوروجه اووده المانی چفتلکی نام محله متصرف اولدقلری برقطعه یش باغچه سی وایکی قطعه سیاه اوزوم باغیله محل مذکورده کائن ایکی قطعه ده قرق بردونم ترلاسی مرتن مرقوم موکلرینک برکونا اجازتی اولدیغی حالده اوچ یوز یکر می درت سنه سی محصولیله برابر شقی مشهور چاقرجه لی محمد قطعیاً بیع و فراغ ایدرک یالکز آلتش لیراسنی حواله تأدیه یش ایسه ده تخمیناً اوچیک غروش قیمتده اولان مذکور ترلارک تقریری اعطادن و مستهلک محصول بدلی اولان یوز الی لیرانی ادادن امتناع ایتکده اولدیغدن مرقومک جلیله مبلغ مذکورک پروتستو تاریخدن اعتباراً مع فائض تحصیل و مذکور ایکی ترلانک موکلری ناهنه اعاده فراغی طلب و دعوی و برقطعه پروتستو ورقه سیله برقطعه مکتوب ابراز و اعطا ایلمی و مستأنف علیک وقوعبولان دعوته اجابت ایلمی اوزرینه وکیل مسخر حضوریه اجرا قلنان محاکمه و تدقیقات استینافیه نتیجه سنده اثبات محاکمه مستأنف وکیل طرفندن اراضی مدعاییه مقابل بدل صلح اوله رق موکلرینک آلتش لیرا آلدیغی اقرار ایتسنه و محصول بدلی اولمق اوزره یوزاللی لیرانک موکلرینه اعطاسی و المانی چفتلکندن کائن ایکی قطعه ترلانک فراغی بیلرند عقد ایدیلان صاحب احکامندن اولدیغی شهود شخصیه ایله اثبات ایده جکنی درمیان ایتش ایسه ده مبلغ مدعایه بشیک غروشدن فضیله اولمق حسیله شهود شخصیه استماعی غیر جائز اولوب برکونا اوراق و سندات ابرازیه مدعاسنی اصولاً اثبات ایده مدیکندن طالب تخلیف اولسنه بناءً عندالاعتراض مستأنف علیه پانده لینک یمندن نکولنه تعلیقاً مبلغ مدعایه یوزاللی لیرانک پروتستو تاریخدن اعتباراً مع فائض پانده لینک بالتحصیل مستأنفله اعطاسنه و اراضی حقتده صلح وقوعبولش اولسنه کوره مذکور ایکی قطعه ترلانک رد و فراغه دائر صادر اولان اعلام غیابی علیه مرقوم پانده لی طرفندن مذکور دعوی حقتده معترض علیه لره ابراز ایتدیکی برقطعه سند موجبجه مقدما ابرا اولدقلرندن اعتراض علی الحکم استدعاسی اعطا اوله رق بدرجه یه قدر محاکمه و جاهاً جریان ایتدکدنصکره اکل محاکمه ضمنده اخیراً تعیین قلنان کونده معترضک وقوعبولان دعوته اجابت ایلمی حسیله اولبایده کی اعتراض استدعاسنک ردینه قرار ویرلیدی آکلاشلمشدر.

تمیز مرقوم پانده لی طرفندن اشبو حکم علیمنده درمیان اولنان اعتراضاتک باشلوجه سی مدعیار طرفندن بدل محصول اوله رق یوز الی لیرا ایله ایکی قطعه ترلانک اعاده فراغی طلب اولنوب محکمه جده مبلغ مذکورک تحصیلنه قرار ویرلش ایسه ده مواضعه دعواسنه مستند اولان مذکور صلح ادعاسنک بلا سند عدم استماعی اراده سنیه اقتضاسندن ایکن محکمه جده بونک نظر دفته آلتامی و مدعیلرک کندوسنی ابرا ایتدیکنه دائر سند ابراز ایتش اولدیغدن محکمه جده بونقطه دنده ادعایینک عدم استماعی لازمکلور ایکن محصولاتک تسایمنه دائر بینه طلب اولنمی یولسز و مغایر اصول و قانون اولدیغدن محاکمه اعلامک نقضی

ولایحه جوابیه ده ده غیر وارد بولنان اعتراضات مسرووده نک ردیه موافق اصول و قانون اولان اعلام نیز بک تصدیق طلب واستدعا اولمشدر. ایجابی مذاکره اولندقد کیفیت هر نه قدر بوجه بالا بالرؤیه تحت حکم و قراره آلتش ایسه ده بدل صلح جمله سندن قلنان باغک محصولی اولاً مجهول ثانیاً شخص آخرک ملکی اولمق ملابس سیله محله نک بیک بشیوز قرق بشنجی و بیک بشیوز قرق آلتنجی ماده لری موجبجه بدل صلح قلمغه غیر صالح و بناءً علیه صلح و ابرا غیر صحیح اولمق ملابس سیله مدعی طرفندن اقامه اولنان بدل صلح دعواسنک ردینه قرار ویرلک لازمکلور ایکن قبولیه بوجه مشروح حکم اعطا اولنمی یولسز و مخالف اصول و قانون اولدیغدن اصول محاکمه حقوقیه قانوننک ایکوزاوتوزا یکنجی ماده سی موجبجه اعلام مذکورک نقضیه قانون مزبورک ایکوز قرق دردنجی ماده سنک فقره اولاسی حکمنه توفیقاً کیفیتک تکرار بالرؤیه اعلامه ربطی ضمنده محکمه مذکوریه اعاده سنه واشبو دعوان طولابی اختیار اولنوب زیرده مفردات و معطیسی مرقم مصارف ایله تأخیر اولنان قسمنک ایلروده حقسنر حقیقه جق طرفه عائد اولسنه ۱۲ مایس ۳۲۸ تاریخدن متفقاً قرار ویرلیدی.

تمیز مرقوم دائره سنده صادر اولان ۲۰ شمرین ثانی سنه ۳۲۸ و ۱۵۱۱ نومرولی اعلام صورته یز : « اموال غیر منقولیه متعلق خصوصاتده قونسولاتوده ریان ایدن معاملاتک محاکم عثمانیه ده مدار حکم اتخاذی غیر جائزدر »

ازمیر قصبه سنک بصره خانه جاده سنده مقیمتان اوستریا و مجارستان دولتی تبعه سندن هر مون وفورطون شاهومیان ایله باللاوسنه جوارنده مقیم اصحاب عقاردن و دولت مشارالیه تبعه سندن بدروس شاهومیان بیلرند متحدث دعوا یه دائر آیدین استیناف محکمه سندن ۲۱ اغستوس سنه ۳۲۸ تاریخی والی یدی عدلیله ویرلوب مزبورتان هر مون وفورطون طرفلرندن تمیزاً تدقیقی استدعا قلنان اعلام طرفیتک اعتراض و جواب لایحه لریله بالمطالعه تدقیقات تمیزیه اجراسنه ابتدار قلندی.

اعلام مذکور مندرجاتنه کوره : مزبورتان هر مون وفورطنه نک وکیللری فیضی بکک ازمیر بدایت محکمه سنه باعریحال مراجعتله : موکللری مزبورتانک عهده تصرفلرند بولنان نازلی سوقاغنده کائن معلوم الحدود رباب ملک خانه ایله قره طاشده تراموای جاده سنده کائن معلوم الحدود دیگر رباب خانه پدر و مورثلری متوفی بنوص شاهومیانک ظنیله عمو جهری مرقوم بدروس شاهومیان طرفندن تحت حجزه الیرلش اولدیغدن محله حاجز مرقومک بالجلب و الحاکمه حجز موضوعک فک و رفیله مزایده واقعه نک منعی طلب و دعوی برقطعه مبیاعه ورقه سی ابراز و اعطا و مدعی علیه وکیل دخی سند رسنی اولدقه بوجه محرر عادی مبیاعه سندات ایله تصرف ادعای غیر مسموع اولدیغی بیان ایتلری اوزرینه سبق ایدن محاکمه سی نتیجه سنده

دعوی واقعہ نک ردی یونندہ صادر اولان اعلام ابتدائیک عندالاستیناف فسخیلہ اجرا قلناسن محاکمہ
وتدقیقات استینافیہ نتیجہ سنده : مستأنفہلر ہر نہ قدر عقارات مدعاہانک شراء ملکری اولدیغنی مبرز سند
عادی یہ مستنداً ادعا واثبات ایتکده ایسہلرہ سند مذکورک اوچیوز اون سکز تاریخدن مقدم تنظیم
ایدلش اولدیغنی تأمین ووثوقی تأمین ایدہجک امارات قانونیہ منقود وبالعکس تاریخ مذکوردن صکرہ تنظیم
ومقدم تاریخ وضع ایدلش اولدیغنی عقارات مذکورہنک صورت تصرف وملکی امرندہ اولجہ ظہور ایدن
اختلافاتک حلّ خصوصندہ حکملرہ ویریلان تحکیمنامہ ومذکور تحکیمنامہ اوزرینہ قونسولوسخانہ جہ ویریلان
اعلام تاریخندن مستبان اولسنہ وبنابرین سندمبحوث عنہک شبہہ وتصنیعدن سالم اولماسی اعتباریلہ مستأنفہلرک
عقارات مذکورہدہکی ادعا تملکرینی اثبات ایدہجک وثائق قانونیہدن بولنامسنہ مبنی مستأنفہلرک دعوی
واقعہلرینک ردیلہ مستأنف علیہ معارضہدن منغہ ومعاملات اجرائیہنک دوام واجرائی ضمنتہ اجرا
دائرہ سہ تذکرہ تسطیرینہ حکم وقرار ویرلدیکی آکلاشلمشدر .

میزتان مزبور تان ہرمون وفورطونہ طرفلرندن ویریلان لایحہ تمیزیہدہ مبرز سندک ادعالرینی اثباتہ کافی
ووافی اولدیغنی حالہ محکمہ استینافیہ جہ کندولرینہ ہیچ برکونا شمول وتأثیری اولیان قونسولوسخانہ اعلامنہ
استنداً اوچیوز اون سکز تاریخندن مؤخر تنظیم ومقدم تاریخ وضع ایدلش اولدیغنہ ذہاباً دعوی واقعہلرینک
ردینہ قرار ویرلککہ برابر حکمک برمادہ قانونیہ استناد ایتدیرلماش یولسز ومغایر قانون اولدیغندن بحثلہ
اعلامک نفی وجواب لایحہ سندهدہ اعتراضات مسرودہنک غیر وادر اولدیغنی بیانیلہ ردی واعلام مذکورک
تصدیق طلب واستدعا قلمشدر .

ایجاب کیفیت لدی المذاکرہ کیفیت ادعا ہر تقدیر بروجہ محرر حکم واعلامہ ربط اولنش ایسہدہ
مدعی علیہ مبرز سندک آنجق مواضع اولدیغنی عندالحاکمہ بیان ایدوب اشو افادہ سندن مقصدی سندک
اوچیوز اون سکز سنہ سندن صکرہ تنظیم ایدلیدی حالہ مقدم تاریخ وضع اولدیغنی یونندہ ایضاحاندہ دخی
بولنامش ایکن محکمہ جہ سند مذکورہ مقدم تاریخ وضع ایدلش اولدیغندن بحثلہ شائبہ تزویردن جاری
اولمادیغنیہ قرار ویرلمسی و اموال غیر منقولہ یہ متعلق خصوصاندہ قونسولاتودہ جریان ایدن معاملاتک محاکم
عثمانیہدہ مدار حکم اتخذادی غیر جائز بولدیغنی کی قونسولاتو اعلامنک طرفیندن اولیان مدعیلرہ تعلق
وتأثیری بولنامش اولدیغنی حالہ برمنوال محرر قرار ویرلمسی ومدعی علیہک اموال محجوزہ یہ مشترک اولدیغنیہ
دائر اولان افادہ سندن دخی ذہول ایدیلرک بروجہ مشروح حکم اعطا اولنسی یولسز ومغایر قانون اولدیغندن
اصول محاکمہ حقوقیہ قانوننک ایکوزاوتوز ایکنجی وایکیوز قرق برنجی مادہلری موجبہ اعلام مذکورک
تفضیلہ ایکوز قرق دردنجی مادہسی حکمنہ توفیقاً کیفیتک صورت محررہ دائرہ سندن بالرؤیہ اعلامہ ربطی
ضمنندہ محکمہ مذکورہ یہ اعادہ سہنہ ومصارف آتیہنکدہ ایلرودہ حقسز حقیقہ حق طرفہ عادیہ
۱۳ تشرین اول سنہ ۳۲۸ تاریخندہ اکثریتلہ قرار ویرلدی .

لکڑ میسرہ حقوق دائرہ سندنہ صادر اولدہ ۲۵ تشرین ثانی سنہ ۳۳۸ تاریخنی ۱۴۲۹ نومردی اعلام صورسیر:
« حقوق عقد عاقدہ راجعدر »

نفس بروسہنک چارداق محلہ سندنہ بوشناق حافظک خانہ سندنہ مقیم میرآلای حلمی بک ایلہ ابراہیم پاشا
محلہ سندنہ ساکنہ مصطفی افندی زوجہ سی ہاجر خانم بینندہ متکون دعویہ دائر خداوندکار ولایتی مرکز بدایت
حقوق محکمہ سندن ۱۷ مایس ۳۲۷ تاریخنی و یوز اون اوچ عدلیہ ویریلوب مومی ایلہ حلمی بک طرفندن
نیزاً تدقیقی استدعا قلنان اعلام طرفینک اعتراض وجواب لایحہلریلہ برابر بالمطالعہ تدقیقات تمیزیہ اجرا سہ
اندار قلندی .

اعلام مذکور مندرجاتہ نظراً مزبورہ ہاجر خانم بروسہ بدایت محکمہ سہ باعر فحال مراجعتلہ ابراہیم
پاشا محلہ سندنہ متصرفہ اولدیغنی خانہ سنی استیجار ایدن مومی ایلہ حلمی بک ذمتندہ بدل ایجاردن شہری
یوزیکرمی غروش حسابیلہ تراکم ایدن برسہنک بیک یدییوز آلتش غروش یکرمی پارہنی مومی ایلہ تأدیہدن
اشناع الیکلہ جلییلہ بالمحاکمہ مبلغ مذکورک مومی ایلہ حلمی بکدن مع فائض تحصیلنی طاب ودعوی وایکی
نظمہ سند خاقانی ابراز وارائہ ایش واولنان دعوتہ مدعی علیہک اجابت ایلماسی اوزرینہ وکیل مسخر حضوریلہ
اجرا قلنان محاکمہ وتدقیقات نتیجہ سندنہ مدعیہ مزبورہنک بروجہ محرر ادعاسنی اثباتدن اظہار عجزینہ
بناءً عندالاعتراض یمنندن نکولی حالندہ مبلغ مزبورک تحصیلنی ادعا ایلسنہ وطلب واقع موافق قانون کورلسنہ
بناءً مجلہنک بیک سکز یوز اون سکز و بیک سکز یوز یکرمی مادہلری احکامنہ توفیقاً مدعا بہ بیک
یدییوز آلتش ایکی غروش یکرمی پارہنک مدعی علیہک عندالاعتراض یمنندن نکولہ تعلیقاً تاریخ استدعادن
اعتباراً مع فائض مومی ایلہ حلمی بکدن تحصیلنہ دائر صادر اولان اعلام غیابی حکمنہ مومی ایلہ حلمی بک
طرفندن بالاعتراض کندوسی مذکور خانہنی محمد اغا وشکری بک نام کسہلردن استیجار ایش وحقوق
عقد عاقدہ راجع بولنش اولسندن کندوسنہ خصومت توجہ ایتیمہ جکی کی مدعیہنک مرقومان نامنہ اقامہ
دعوی ایتیمی لازمکہ جکندن اعلام ابتدائی مذکورک جرح وابطالی طلب وادعا اولنسی اوزرینہ محکمہ جہ
بردرجہ یہ قدر وجاہاً محاکمہ جریان ایتدکدن صکرہ اخیراً تعیین قلناسن کوندہ معترضک کلہ جکمنہ دائر
اعضای اندیغنی حالہ یوم معیندہ محکمہ یہ کلامسنہ ومعترض علیہک دخی اعتراض استدعاسنک ردینی طلب
ایلسنہ بناءً اصول محاکمہ حقوقیہ قانوننک یوز الی طقوزنجی مادہسی موجبہ معترضک اولبابدہکی اعتراض
استدعاسنک ردیلہ اعلام غیابینک تصدیقہ حکم ایدلیدی آکلاشلمشدر .

مومی ایلہ حلمی بک طرفندن استدعا قلنان لایحہ تمیزیہدہ کندوسی مذکور خانہنی محلہ مختاری محمد اغا
ایلہ یوز بائی شکری بکدن استیجار ایتدیدی واونرہ یکرمی درت مجیدیہ تأدیادہ بولدیغنی ودیکر مقداری
حقندہدہ معاشندن قطع اولنمقدہ بولدیغنی جہتلہ مرقوم محمد اغا ایلہ شکری بکک صفتک محکمہ جہ تعیین
ایتدیرلہدن مزبورہ ہاجر خانم کندوسنہ خصومتی غیر متوجہ بولدیغندن صحیح اولیان دعوی واقعہنک

ردی لازمکلوړ ايکن محکمه جه بالقبول بروجہ محرر قرار ویرلسی یولسز ومغاير قانون اولديغندن بخله اعلامك نقضی ولايحه جوابيه ده غيروارد اولان مذکور اعتراضاتك رديله موافق اصول وقانون بولنان اعلام مزبورك تصدیق طلب واستدعا ایدلشد.

ایجابی مذاکره اولندقدہ کیفیت هر نه قدر بره نوال محرر تحت قراره النمش ایسه ده مدعیه مأجور خانه ده کندوسنك عاقدہ اولدیغنی استدعا سنده بیان ایتدیکی کبی اعتراضاً جریان ایدن محاکمہ نك قسم وجاهی سنده معترض مذکور خانہ بی بشقه لرندن استیجار ایلدیکنی ادعا ایلدیکی حالده دخی مدعیہ مزبورہ کندوسی عاقدہ اولدیغنی ادعا ایتماسیله دعواسی هنوز کسب صحت ایلماش اولدیغنی مزبورہ تصحیح دعوی ایتدیرلمکسزین بروجہ مشروح قرار ویرلسی یولسز ومغاير اصول وقانون اولدیغنه بناءً اصول محاکمہ حقوقيہ قانونك اکیوز اوتوز ایکی وایکی یوز قرق برنجی ماده لری موجبنجه اعلام مذکورك تقضیله قانون مزبورك اکیوز قرق دردنجی ماده سنك فقرہ اولاسی حکمنه توفیقاً کیفیتك تکرار بالرؤیہ اعلامه ربطی ضمننده محکمه مذکورہ به اعاده سنه وزیرده مفرداتی مرقم بولنان مصارف تمیزیه نك ایلروده حقسز چیقہ جق طرفدن استیفا سنه ۲۸ تموز ۳۲۷ تاریخندہ اکثریتله قرار ویرلدی.

محکمه تمیز جزا دائرہ سی مقرراتی

محکمه تمیز جزا دائرہ سنده صادر اولان ۳۰ مایس سنه ۳۲۹ تاریخلی ر ۱۲۳۶ نومرولی اعلام صور تیر:

« حیلہ ای افلاس جرمی تشکیل ایچون قانون تجارتده محرر احوال و شرائط ثلثه نك وجود و ثبوتی لازمدر »

قره حصار صاحب سنجانی بدایت محکمه سی جزا دائرہ سندن صادر اولان ۱۴ جادی الاخر سنه ۳۳۱ و ۸ مایس سنه ۳۲۹ تاریخلی وایکی یوز یکر می بش نومرولی اعلام ایله اوراق متفرعه سی باش مدعی عمومیلک مأموریت علیہ سندن ۴ رجب سنه ۳۳۱ و ۲۷ مایس سنه ۳۲۹ تاریخلی و بیک ایکی یوز اوتوز نومرولی تبلیغنامه ایله محکمه تمیز جزا دائرہ سنه اعطا قلمشدر.

اعلام مذکورك خلاصه مالی: حیلہ لی مفلس اولدیغنی ادعا قلمسندن طولانی جنایتله اتهام اولنان شهود ناحیه سندن قارقلی نام دیگر بریقچی زاده سلیمان افندیك اجرا قلنان محاکمہ علیہ سی نتیجه سنده متهم مرقومك حیلہ لی مفلس اولدیغنی شهادت واقعہ و ضبط ورقه سی مندرجاتی و امارات سائرہ ایله ثابت اولدیغندن اولوجهله مجرمیتنه وقانون جزانك ایکی یوز اوتوز برنجی ماده سنه تطبیقاً اوچ سنه مدتلہ کورکه قونل سنه ۳۰ کانون ثانی سنه ۳۲۸ تاریخندہ حکم اولندیغندن عبارتدر.

محکوم مرقوم طرفدن ویریلوب میان اوراقدہ بولنان لایحه تمیزیه ده عندالحا که درمیان اولنان

افادات ومدافعاتنك نظر اهمیتہ التدیغنه و محکمه اعضا سندن ایتیم افندیك ماده مذکورده ژور قومیسر ومدعی اولمغله برابر اعضا صفیلہ ده محاکمہ ده بولندیغنه وسائر نقصان تدقیقات و تحقیقاته دائر اعتراضات سردیله اعلام مذکورك نقضی استدعا اولنشد.

تبلیغنامه ده دخی لایحه ده سرد ایدیلان اعتراضاتك اعلام مندرجاتنه نظراً غيروارد کورلیدیکی ودعوای مذکورہ نك صورت جریان محاکمہ سیله جهت تطبیق حقندہ اعتراضه محل بولنه مدینی بیانیله اعلام مذکورك تصدیق طلب اولنشد.

اوراق دعوی مطالعه اولندقدن سوکره تدقیقات تمیزیه اجرا اولندقدہ هر نه قدر تبلیغنامه ده اعلام مذکورك تصدیق طلب ایدلمکده ایسه ده اعضای محکمه دن ژور قومیسر ایتیم افندی هیئت اتهامیه مضبطه سنده مدار اتهام اوله رق کوستریلان ۸ شباط سنه ۳۲۷ تاریخلی ذیل وتقریرنده احساس رأی ایتش ایکن بو ایشك محاکمہ سنده دخی بولنه رق حکم واقعہ اشتراك ایلدیکی و برده حیلہ ای افلاس جرمی تشکیل ایچون قانون تجارتده محرر احوال و شرائط ثلثه نك وجود و ثبوتی لازم ولابد اولدیغنی حالده بولزوم قانونیه ده رعایت ایدلمدیکی اوراق دعوی مندرجاتندن کلاشلمش واحوال مذکورہ مخالف قانون ومستلزم نقض بولنش اولمقله اعلام مذکورك اصول محاکمات جزائیہ قانونك اوچوز اون دردنجی ماده سی حکمنه توفیقاً نقضه واحکام قانونیه دائرہ سنده ایفای معامله اولنق اوزره اوراقلك محلنه اعاده سنه وایکی یوز غروش نقض خرجنك ایلروده حقسز چیقہ جق طرفدن تحصیل سنه ۳۰ سنه ۳۲۹ تاریخندہ متفقاً قرار ویرلدی.

محکمه تمیز جزا دائرہ سنده صادر اولان ۱ مایس سنه ۳۲۹ تاریخلی ر ۱۲۶۷ نومرولی اعلام صور تیر:

« تعیین جزا ده عدم اصابت »

طرابلس شام سنجانی بدایت محکمه سی جزا دائرہ سندن ۲۶ ربیع الاول سنه ۳۳۱ و ۱۹ شباط سنه ۳۲۸ تاریخندہ تفهیم قلنان قراری ناطق یوز التمش درت نومرولی اعلام ایله اوراق متفرعه سی باش مدعی عمومیلک مأموریت علیہ سندن ۳ رجب سنه ۳۳۱ و ۲۴ مایس سنه ۳۲۹ تاریخلی و بیک ایکی یوز قرق الی نومرولی تبلیغنامه ایله محکمه تمیز جزا دائرہ سنه اعطا قلمشدر.

اعلام مذکورك خلاصه مالی اوچوز یکر می یدی سنه سی تشرین ثانی سنك ایکنجی کیچه سی یکدیگری قتل قصدیله جرح وحسونه بنت طوبیاشحاده نك لیلاً خانه سنه بالهجوم سلاح انداختیله فعل شنیع اجراسنه تصدی ایتك ماده لرندن دولای جنایتله اتهام اولنان طرابلس شام اهالی سندن توفیق بن مصطفی الشعار ومحمد بن مصطفانك ایچلرندن توفیقك عبدالقادر حماده ایله برلکده محمد المصدری جرح ایتك ماده سندن طولانی جنبه درجه سنده لزوم محاکمہ لرینه دائر اولان اوراقلك توحیدیه اجرا قلنان محاکمہ علیہ لری

نتیجه سنده متهمان مرقومانند توفیقك قتل قصدیه محمدی و مرقوم محمدك دخی بالمقابله توفیقی جرحه جرأتلری شهودك مع القسم واقع اولان شهاداتی و دلائل سائر ايله ثابت اولدیغندن اولوجه مجرمیت و فاعلیتینه و صورت حرکتلرینه نظراً بولردن توفیقك قانون جزانك قرق التنجی ماده سنك فقره اولاسی دلائله یوز یتیش دردنجی ماده سنه توفیقاً حقنده تعیین اولنان اون بش سنه کورك جزاسنك ثلثانك تنزیله بش سنه مدته کوركه قولسنه و محمدك دخی قانون مذکورك یوز طقسانجی ماده سنه تطبیقاً الی ماه و جنحه مظنون عبدالقادرك دخی یوز یتیش طقوزنجی ماده قانونیه موجبجه ایکی هفته مدتلره حبسلرینه و توفیقك فعل شنیعه تصدی و سلاح انداختی فعللرندن و محمدالصدرك جرحندن براتنه ۱۹ شباط سنه ۳۲۸ تاریخنده حکم اولدیغندن عبارتدر .

تبلیغنامه ده دخی صورت جریان محاکمه سیله قانونه تطبیقی حقنده اعتراضه محل اولدیغنی بیانیه اعلام مذکورك حکم جنائی جهتك تصدیق طلب اولمشدر .
اوراق دعوی بعد المطالعه حکم جنائیدن دولای تدیقات تمیزیه اجرا اولندقدده تبلیغنامه ده هر نه قدر اعلامك تصدیق طلب اولمقدده ایسه ده متهم توفیقك محکمه جه ثابت اولان حرکتی تشبث تام درجه سنده کورلمش اولسنه نظراً قرق التنجی ماده قانونیه نك (احوال سائرده او جنایت ایچون معین اولان جزانك ثلثندن نصفه قدری تنزیل اولنور) عبارده سی حاوی بولنان فقره اخیرده سی موجبجه تعیین جزاسی لازم کلور ایکن ماده مذکورك تشبث ناقصه متدائر فقره سنه تطبیقاً تعیین جزاسنده اصابت کوريله مامش اولدیغندن حکم مذکورك اصول محاکمات جزائییه قانونك اوچوز اون دردنجی ماده سنه توفیقاً و سبب مسروده بناءً تقضیه احکام قانونیه دائره سنده ایفای معامله اولنق اوزره اوراقك محله اعاده سنه و ایکی یوز غروش اعلام خرجك ایلروده حقسنز چیقه حق طرفدن تحصیلنه ۱ حزران سنه ۳۲۹ تاریخنده اکثریتله قرار ویرلدی .

محکمہ تمیز جزا دائره سنده صادر اولان ۹ ضرباره سنه ۳۲۹ تاریخلی ۱۰۹۳ نومرولی اعلام صورتیدر :
« شهادت کاذبه »

بغداد ولایتی استیناف محکمه سی جزا دائره سندن صادر اولان ۹ جادی الاخر سنه ۳۳۱ و ۳ نisan سنه ۳۲۹ تاریخلی و یوز سکسان اوچ و یوز سکسان درت نومرولی ایکی قطعه اعلام ايله متفرعاتی باش مدعی عمومیلک مأموریت علیه سنك ۲۱ جادی الاخر سنه ۳۳۱ و ۱۵ مایس سنه ۳۲۹ تاریخلی و بیک یوز اون درت نومرولی تبلیغنامه سیله محکمه تمیز جزا دائره سنه اعطا قلمشدر .

اعلامات مذکورده دن یوز سکسان اوچ نومرولی اعلامك خلاصه مالی : شهادت کاذبه ده بولدیغنی

ادعاسیله جنایتله اتهام اولنان شرقیه کراده سندن ابراهیم بن جوادك اجرا قلنان محاکمه علیه سی نتیجه سنده متهم مرقومك بالتضیق عیسانك قیزی آلق مقصدیه ریمه قادینك قتلندن دولای جنایتله متهم بولنان کاظم و علی و عیسی و رفقاسی علیه ده لغرض شهادتده بولدیغنی دلائل و امارت قانونیه ايله ثابت اولدیغندن مجرمیتله و حرکتله توافقی ایدن قانون جزانك ایکی یوز یدنجی ماده سنه تطبیقاً اوچ سنه مدته کوركه قولسنه ۲۵ تموز سنه ۳۲۸ تاریخنده حکم اولدیغنی محتویدر .

یوز سکسان درت نومرولی اعلامك خلاصه مفادی دخی ریمه نك قتلنی علی بن جواد و رفقاسنه اسناد صورتیه افترا ایلدیکی ادعاسیله جنایتله متهم بولنان ابراهیم بن جوادك ثبوت فعلنه بناءً مجرمیتله و مرقومك اشبو دعوی ايله مرتبط بولنان شهادت کاذبه ماده سندن ناشی اوچ سنه مدته کوركه محکوم بولنسی حسیله بوبابده کی جزاسنك محکومیت مذکورده قایله آریجه تعیین جزایه محل اولدیغنه ۱۱ تشرین اول سنه ۳۲۸ تاریخنده قرار ویرلدیکنی متضمندر .

اوراق دعوانك مطالعه سندن صوکره تدیقات تمیزیه اجرا اولندقدده تبلیغنامه ده دخی بیان اولدیغنی اوزره شهادت کاذبه عائد دعواده متهم ابراهیم ریمه نك قاتلیری عیسی و علی الحیش باغچه سنه کله رك کندیسنه الی لیرا حق سکوت و یردکلری حالده قبول ایتدیکنی و صالح بن احسان و حمید بن حسینك ده معلوماتی اولدیغنی عندالحاکمه و یردیکی ۲۶ تشرین اول سنه ۳۲۶ تاریخلی استدعاده بیان ایلسی اوزرینه مرقومانك مدافعه شاهی صفیله محکمه یه جلبی لازم کلیرکن جلب ایدیلیه رك مرقومك حق مدافعه دن محروم براقلمسی واصلنه مطابق تصدیق ایدیلن ضبطنامه نك یکریمی بشنجی صحیفه سنده کی ۳۱ مایس سنه ۳۲۸ تاریخلی جلسه محاکمه زیری هیئت محکمه نك امضاسندن عاری بولنسی مغایر قانونه و مستلزم نقض اسبابدن کورلمش و افترا دعواسندن دولای متهم مرقومك مستحق اولدیغنی جزانك شهادت کاذبه دعواسی نتیجه سنده معطی جزایه قلب ایدلمسی جهتیله شهادت کاذبه اعلامك نقضی کیفیتی افترا دعواسی اعلامك دخی اصولاً نقضی مستلزم بولمش اولدیغندن اصول محاکمات جزائییه قانونك اوچوز اون دردنجی ماده سنه توفیقاً و اسباب محررده بناءً هرایکی اعلامك دخی تقضیه احکام قانونیه یه توفیق معامله اولنق اوزره اوراقك محله اعاده سنه و ایکی یوز غروش اعلام خرجك ایلریده حقسنز چیقه حق طرفدن تحصیلنه ۱۹ مایس سنه ۳۲۹ تاریخنده متفقاً قرار ویرلدی .

محکمہ تمیز جزا دائره سی

محکمہ تمیز استدعا دائره سنده صادر اولان ۲ مایس سنه ۳۲۹ تاریخلی ۱۰۳۷ نومرولی اعلام صورتیدر :
« ایفای وظیفه اثناسنده تحقیر »

آیدین ولایتی استیناف محکمه سی جزا دائره سندن تنظیم و اعطا قلنان ۲۹ مارت سنه ۲۳۹ تاریخ و اون

اوج نومرولى اعلامك تميزاً تدقيقى مستدعى اورام رهي جانبدن معطى استدعانا مه ايله اوراق متفرعه سى باش مدعى عمومىك مأموريت عليه سندن بابتليغنامه محكمه تميز استدعا دائره سنه توديع اولنش ولدى التدقيق مذكور استدعانا مه نك مدت قانونيه سى ظرفنده اعطا وشرايط لازمه سائرهنك دخى ايفا قلندينى اكلاشلمش ايدوكندن بالقبول تدقيقات تميزيه اجراسنه ابتدار اولدى .

اعلام مذكورك خلاصه مالى از مير بوسسته مأمورلرني ايفاي وظيفه ائناسنده تحقير ايتديكي شهود مستمعنه اخباراتى وضبط ورقه سى مندرجاتيله مرتبه ثبوته كوريلان مستدعى اورام رهي نك قانون جزانك يوز اون ايكنجى ماده سنه توفيقاً وتقوه اولنان الفاظك تعدادى سبب شدت عديله سكر كون حبسنه دائر بدياً صادر اولان اعلامك محكوم مرقوم جانبدن استيناف اولنسى اوزرينه اولبابده اجر اقلنان محاكمه وتدقيقات استينافيه نتيجه سنده موافق اصول وقانون اولديغندن بالبحث اعتراضات استينافيه نك رديله اعلام مذكورك تصديقه قرار ويرلديكنى متضمندر .

لايحه تميزيه ذات ماده حقنده مدعى شخصى طرفندن شكائتنامه ويرلديكى كي مدعى بولنان مأمورلر دخی شاهد صفتيله استماع قلمسنگ مغايرت قانونيه سندن بختله اعلام استينافك نقضى استدعا اولنش وتبليغنامه ده دخى حقارت واقعه نك ايفاي وظيفه ائناسنده ايقاع ايدليكى اوراق موجوده مألرندن مستبان اولوب لايحه تميزيه ده بوبابده استدعاى شخصى اولدينى جهته تعقيبات قانونيه اجراسى حقنده مساع قانونى اولديغندن وسائرهن دن بختله سرد اولنان اعتراضك غير وارد ايدوكى بيانيله ردی لزومى كوسترلمشدر .

ايجابى لى المذاكره مندرجات اعلامدن استتباط اولندينى وجهله مستدعى اورام رهي نك پوسته مأمورلرني ايفاي وظيفه ائناسنده تحقيره جرائى شهادات واقعه وتحقيقات جاريه نتائجي ايله مرتبه ثبوته كوريله رك بوجه محرر تحديد جزاسنه دائر بدياً ويريلان حكمك محكمه استينافيه جه جريان ايدن تدقيقات نتيجه سنده تقدير اصابتيله تصديق اولنسى اسباب موجهيه مستند واحكام قانونيه موافق بولنش وفعل مذكورك بوجه محرر مأموريت قارشو ايقاع ايدلمش اولنسى اعتباريله امر تدقيقاتى شكائتنامه اعطاسنه متوقف جرائم جملهن سندن غير معدود بولمسنه مبنى لايحه تميزيه ده بوجهته متفرع اوله رق سرد اولنان اعتراض غير وارد اولدينى كي اعتراضات سائرهن دخى عند الاستيناف درميان اولوب اسباب موجهيه استناداً ردايديلان مدافعاتى تكرر دن عبارت اولنسى حسبيله مستلزم نقض اسبابدن كوريله مامش ايدوكندن اعتراضات مزبورهنك رديله اعلام استينافيك تصديقه وتيز جزاي تقديسى اوله رق محلى مال صندوقه تسليم ايدلمش اولان بش ايرانك ايراد قيديله برابر يوز غروش اعلام خرچنك تعرفه وتعليمات مخصوصه سنه توفيقاً مستدعى اورام رهي دن بشقه جه استيفاسنه ٢ مائس ٣٢٩ سنه تاريخنده متفقاً قرار ويرلدی .

حكمه تميز استدعا دائره سندر صادر اولان ٢٥ مائس سنه ٣٢٩ تاريخى و ٥٠٤ نومرولى اعلام صورته سندر :

« ميرى اورماندن بلا رخصت اشجار قطى حقنده »

انقره استيناف محكمه سى جزا و پرسنددن تنظيم اعطا قلنان ١٢ شباط ٣٢٥ تاريخ و بيك درتيزو یتش طقوز نومرولى اعلامك تميزنى مستدعى محلى اورمان اداره سى جانبدن معطى استدعانا مه ايله اوراق متفرعه سى باش مدعى عمومىك مأموريت عليه سندن بابتليغنامه محكمه تميز استدعا دائره سنه توديع ايدلمش ولدى التدقيق مذكور استدعانا مه نك مدت قانونيه سى ظرفنده ويرلديكى اكلاشلمش ايدوكندن بالقبول تدقيقات تميزيه اجراسنه ابتدار ايدلدى .

اعلام مذكورك خلاصه مالى ميرى اورماندن بلا رخصت اشجار قطع ايتديكى ادعاسيله مظنون عليه اولان عثمان اوغلى حسنك ٢٣ نيسان سنه ٣٢٥ تاريخنده قطعا تده بولندينى شهود مستمعنه شكائتيله اكلاشلمش وضبط ورقه سنده ٢٨ اغستوس منه تاريخنده تنظيم ايدليكى كورلمش اولوب شوحالده دعوای مذ كورده مرور زمان بولنديغندن بختله اورمان نظامنامه سكر اوتوز برنجى ماده سى منطوقجه دعوای واقعه نك ردينه و مظنون مرقومك برائته دائر بدياً لاحق اولان حكمك اورمان اداره سى جانبدن استيناف اولنسى اوزرينه سبق ايدن تدقيقات استينافيه نتيجه سنده موافقت قانونيه سندن بختله اولبابده كي ادعانك رديله حكم ابتدائيك تصديقه قرار ويرلديكنى متضمندر .

تميز استدعانا مه سنده اعلام مذكورك مخالفت قانونيه سندن بختله نقضى طلب ايدليكى كي تبليغنامه ده دخى دعوای مذ كورده اورمان نظامنامه سكر ماده مخصوصه سى موجهيه مرور زمان واقع اولدينى تين ايلسى اوزرينه بدياً حقوق عموميه دعواسنك سقوطنه قرار ويرلك اقتضا ايدركن بو يولده قرار اتخاذ اولنميو بده مظنون عليك برائته قرار ويرلديكندن طولاي اعلام ابتدائيك فسحنى ايجاب ايدليكى حالده تصديق قلمسى يولسز ومغاير قانون ايدوكى بيانيله اعلام ميز بهك نقضى لزومى كوسترلمشدر .

ايجابى لى المذاكره مندرجات اعلامدن استتباط اولندينى وجهله درجه اولى محكمه سنجه ميرى اورماندن بلا رخصت اشجار قطع ايتديكى ادا اولنان حسنك شو حركتى مثبت اولمق اوزره اورمان اداره سى جانبدن ابراز ايديلان ضبط ورقه سنده اساميسنى محرر اولوب افاده لرينه مراجعت ايديلان اشخاصك سالف البيان ضبط ورقه سى محتوياتنه مخالف اوله رق فعل مدعا بهك ٢٣ نيسان سنه ٣٢٥ تاريخنده وقوعى بيان وافاده ايتلري اوزرينه اشخاص مرقومه نك افادات تحريريله بيانات شفاهيله لرى بيننده شو صورتله حاصل اولان تضاد ومبايئت نظر دفته الهرق ورقه مذ كورده تنظيم ايدن اورمان مأمورلريله اجراى مواجهه لرى صورتيله توسيع تحقيقات اوله رق نتايج حاصله يه كوره اتخاذ قرار اولمق لازم كلوركن صور محرره دائره سنده ايفاي معامله اولنامسى وعلى الخصوص ايشده مرور زمان وقوعى بيانيله سقوط

دعوايه وديكر طرفدن دخى مظنونك برائتنه قرار ويرلسى كى وقوعه كلان خطيئات قانونيه عندالاستيناف نظر دفته التمسرين قرار ابتدائى مذكورك تصديق جهته كيدلسى تبليغنامه ده دخى كوسترلديكى اوزره يولسر ومستلزم تقض احوالدين اولوب قرار واقعت مغايرت قانونيه سندن باحث اولان تميز استدعائيه سى مؤداسى دخى بو صورته وارد وبجا كورنمش ايدوكندن اصول محاكات جزائيه قانوننك اوچيوز اون طقوزنجى ماده لرى منطوقجه اعلام استينافينك اسباب محرريه بناء تفصيله احكام قانونيه دائره سنده ايفاي معامله اولمق اوزره اوراق دعوانك محكمه مذكوره اعاده سنده وايكوز غروش اعلام خرجنك تعرفه و تعليمات مخصوصه سنده توفيقاً بالاخره ايجاب ايدن طرفدن اخذ واستيفاسنه ١٨ نيسان سنه ٣٢٩ تاريخنده متفقاً قرار ويرلدى .

محكمه تميز استدعا دائره سنده صادر اولوب ٢٧ مائى سنه ٣٢٩ تاريخى ر ٢٣٩ نومردى اعلام صورتيه :
« استيناف مدتده اصول جاريه ومرعيه بناء يوم تفهيمك داخل حساب اوله ميه جنى دركادر »

حلب ولايتى مركز بدایت محكمه سى جزا دائره سندن استينافاً تنظيم واعطا قلنان ١ كانون اول سنه ٣٢٨ تاريخ و بيك طقوز يوز اون بش نومردى اعلامك تميزاً تدقيق طابى حاوى محكمه مذكوره مدعى عمومى معاونلكى جانبدن معطى استدعائيه ايله اوراق متفرعه سى باش مدعى عمومىك مأموريت عليه سندن باتبليغنامه محكمه تميز استدعا دائره سنده توديع اولمش ولدى التدقيق مذكور استدعائيه نك مدت معينه قانونيه سى طرفنده اعطا قلندينى اكلاشلمش اولديغندن بالقبول تدقيقات تميزه اجراسنه ابتدار اولدى .

اعلام مذكورك خلاصه مالى منصور اغانك تحت تصرفده بولنان اراضيسنه مداخله ايلديكى ادعاسيله مظنون اولان عواد بن عليك مرتبه ثبوته كوريلان حركت واقعه سندن طولايى ايكي ماه حبسنه دائر بدايه لاحق اولان حكمك محكوم مرقوم جانبدن استيفا ايدلسى اوزرينه سبق ايدن محاكمه وتدقيقات استينافيه نتيجه سنده اصول محاكات جزائيه قانوننك يوز سكسان بشنجى ماده سنده حكمك تفهيم اولندينى كوندن اعتباراً اون كون طرفنده استيناف ايدلسى لازم كه جكى محرر بولمسنه و قانونك شو عبارده سندن يوم تفهيم ايله استدعائيه قيدى كونلرينك داخل حساب اوله جنى اكلاشلمسنه و استدعا تاريخ تفهيم حكمك اون برنجى كونى قيد ايدلمش ايدوكى لى الحساب مستبان اولمسنه بناء اولبايده كى استيناف استدعائيه سنك مرور مدتدن ناشى ردينه قرار ويرلديكى متضمندر .
لايحه تميزه ده حكم ابتدائينك ٢١ مارت سنه ٣٢٨ تاريخنده مظنونه تفهيم و استيناف استدعائيه سنك

دخى ٣١ مارت سنه ٣٢٨ تاريخنده قيدى اجرا قلنمش و تفهيم وياخود اعطا كونلردن بريسنك داخل حساب ايدلامسى اصول متخذه ايجابندن بولنمش اولمسنه نظراً اولبايده كى استيناف استدعائيه سى مدت قانونيه سى طرفنده اعطا قلنمش اولدينى حالده محكمه استينافيه جه بوزاسى نظر دفته التمسرين مذكور استدعائيه نك ردينه قرار ويرلسى يولسر و مغاير قانون ايدوكندن بختله ذكر اولنان اعلام استينافينك تقضى طلب و استدعا قلندينى كى تبليغنامه ده دخى لايحه تميزه ده سرد ايديلان اعتراضك اعلام مذكور مندرجاتنه نظراً مصيب كورنديكى بيانيله سالف الذكر اعلام استينافينك تقضى لزومى كوسترلشدر .

ايجابى لى المذاكره اوراق متعلقه مندرجاتندن مفهم اولدينى وجهله دعواى استينافه قيام ايدن عوادك تحيد جزاسنه دائر بدايه ويريلان حكمك ٢١ مارت سنه ٣٢٨ تاريخنده امر تفهيمى اجرا قلوب ٣١ مارت سنه ٣٢٨ تاريخنده دخى مستأنف مرقومك استيناف استدعائيه سنى محكمه يه قيد ايتديرمش ويوم تفهيمك اصول جاريه وقاعده مرعيه توفيقاً داخل حساب اوله ميه جنى جهته مذكور استدعائيه نك اون كوندن عبارت اولان مدت استيناف طرفنده ويرلمش اولدينى حالده محكمه استينافيه جه شوصورته توفيق معامله لزومندن ذهول ايديله رك مذكور استدعائيه نك بوجه محرر مدت قانونيه نك مرورندن صكره ويرلديكى بيانيله ردى جهته كيدلسى يولسر و مغاير اصول وقانون اولوب لايحه تميزه مؤداسى تبليغنامه ده دخى كوسترلديكى اوزره وارد وبجا كورنمش ايدوكندن اصول محاكات جزائيه قانوننك اوچيوز اون دردنجى واوچيوز اون طقوزنجى ماده لرى منطوقجه ذكر اولنان اعلام استينافينك سبب مزبور بناء تفصيله احكام قانونيه دائره سنده ايفاي معامله اولمق اوزره اوراق دعوانك محله اعاده سنده وايكوز غروش اعلام خرجنك تعرفه و تعليمات مخصوصه سى حكمه توفيقاً ايلروده حقسز چيقه جق طرفدن استيفاسنه ١١ مائى سنه ٣٢٩ تاريخنده متفقاً قرار ويرلدى .

سورای دولت مضطربى

سورای دولت اختصارى مرقوم انجمن سنده صادر اولوب ٢٩ مازيه سنه ٣٢٩ تاريخى ر ٦٠٦ نومردى مضطرب صورتيه :

« وظيفة مأموره بى ايفاء واقع اولان جرائمك تحقيقات ورؤيت محاکماتى محاکم اداره عائددر »

نفوس مکتومه يه عائد شهادتنامه يه ساخته امضا وضع ايتك فصليله مظنون عليه اولان چشكيزك قضاسنك

اوپچك محلهسى مختارى قالوست اوغلى سر كيس حقهده لازم الاجرا تحقيقات و محاكاتك مرجعى خصوصنده قضاء مذكور ملكيه وعدليه محكمه لرى بيننده تحدث ايدن اختلافك حله دائر داخله نظارتندن بالتقديم شوراي دولته حواله بيوريلان ۲۹ مائس سنه ۳۲۹ تاريخلى ۵۳۲ نومرولو تذكرة وملفوفى اختلاف مرجع انجمنه توديع اولمسيه شوراي مزبوره تميز مدعى عموميلكندن يازيلان مطالعه نامه ايله برابر قرائت اولندى. محكمه عدليه نك ضبط نامه سنده نفوس اداره سنه ويريله جك علم وخبر مختار قالوست اوغلى سر كيسك ساخته امضا وضع ايتك صورتيله واقع اولان جرمى وظيفه ملكيه سنه متفرع اولديغندن محاكمه سنك محكمه اداره عائد اولديغنه ومحكمه اداره ضبط نامه سنده دخى تنظيم اولنان علم وخبرك كرك متنده وكرك تعلق ايتديكى اصل مسئله ده خلاف حقيقت برشى اوليوب آنجق مختار مرقومك اعضادن جلال اوغلى طروسك اعضاسنى تقليداً وضع ايتسى وظيفه مأموريتنه متعلق وصرف جرائم عاديده دن معدود ايدوكنه مبنى محاكمه سنك اجراسى جهت عدليه عائد ايدوكنه قرار ويرلديكى كوسترلش وتميز مدعى عموميلكنك مطالعه نامه سنده ايسه نقل خانه معامله سى اجرا قلمق اوزره تنظيم و املا ايلديكى شهادت نامه يه اعضادن جلال اوغلى طروسك غيابنده امضاسنى وضع ايتك صورتيله ساخته كارلغه اجتناسار ايتش اولان مختار مرقومك حركتى وظيفه ملكيه سنى ابقا واجرا صره سنده واقع اولدينى اوراق موجوده مأللرندن مستبان اولمسيه جرائم عاديده دن معدود اوله ميوب وظيفه مأموره سنه متعلق اولديغندن تحقيقات و محاكمه سنك اجراسى جهت ملكيه عائد اولدينى درميان ايدلمشدر.

اقتضاسى لى التامل مختار مرقوم قالوست اوغلى سر كيسه اسناد اولنان فعل وهكه قريه سى اهالى سندن متوفى مانوق زوجة سى زارتو قادين ايله كريمه سى الماسه نفوس تذكرة سى ويرلك اوزره تنظيم ايتديكى علم وخبره مهر رسمى ايله كندى مهرينى وضع ايتدك دك نكركه هيات اختياريه اعضا سندن جلال اوغلى طروسك دخى غيابنده امضاسنى تقليداً وضع ايتش اولسى ماده سندن عبارت اوله رق بوايسه وظيفه مأموره ي ايفاء واقع اولان جرائم دن اولمسيه اجراى تحقيقات ورؤيت محاكاتى محاكم اداره عائد بولنديغندن چشكرك ملكيه محكمه سنك اصابت قانونيه كوريله ميان عدم وظيفه قرارينك فسحى ايله جهت ملكيه جه امر محاكمه يه دوام اولمق اوزره اوراق دعوانك داخله نظارتنه ارسالى وعدليه نظارتنه ده معلومات اعطاسى تذکر واوراق مزبوره لفاً تقديم قلندى اولبابده.

شورای دولت افغانستان مرجع انجمنده صادر اولاره ۲۹ مزيرانه سنه ۳۲۹ تاريخلى ۱۶۳ - ۶۰۸

نومرولى مضبوط صورتيده

« موقوف فراينه سبب اولان غارديانك امر محاكمه سى جهت ملكيه عائددر »

موقوف فراينه سبب اولمقله مظنون عليه بروسه توقيف خانه سى غارديانلرندن يونس حقهده لازم الاجرا

تحقيقاتك مرجعى خصوصنده خداوندكار ولايتى عدليه وملكيه مستنطقلى آره سنده حاصل اولان اختلاف سلبيتك حله دائر داخله نظارتندن بالتقديم شوراي دولته حواله بيوريلان ۷ نيسان ۳۲۹ تاريخ وايكى يوز اون سكز نومرولو تذكرة وملفوفلى انجمن اختلافه توديع اولمسيه شوراي مذكوره تميز مدعى عموميلكندن يازيلان مطالعه نامه ايله برابر قرائت اولندى.

عدليه مستنطقك قرارنامه سى مألده سرق مادمه سندن طولاي موقوف بروسه نك شيخ قوى محله سندن شاهين اوغلى صبرينك حبس خانه دن فراينه سبيت ويرن غارديان يونسك حركتى وظيفه ملكيه سنجه كوريلن قصور و تراخيدن نشأت ايتمسيه تحقيقاتك اجراسى جهت ملكيه عائد اولدينى وملكيه مستنطق قرارنامه سنده ده حبس خانه غارديانلرينك مأموريندن اولمقلرى جهته مرقوم غارديان يونس حقهده كى تحقيقاته جهت عدليه راجع ايدوكى وتميز مدعى عموميلكنك مطالعه نامه سنده دخى محبوسين ومحكومينك امر انضباط ومحافظه لرى مأمورين ضابطه ايله غارديانلرك وظائف ملكيه سندن اولوب بناء عليه مرقوم يونسك مظنون اولدينى جرم وظيفه ملكيه سندن متولدو حقهده تعقيبات قانونيه اجراسى محاكمه مأمورين نظام نامه سنك دردنجى ماده سى احكامنه جهت ملكيه عائد اولدينى درميان قلمشدر.

اقتضاسى لى التامل مأمورين محاكمه سى نظام نامه سنده غارديانلر صراحةً مذكور بولندينى جهته موقوف فراينه سبب اولان مرقوم غارديان يونسك محاكمه سى جهت ملكيه عائد اولديغندن تميز مدعى عموميلكنك مطالعه نامه سى موجب سبب اصابت قانونيه كوريله مين ملكيه مستنطقك عدم وظيفه قرارينك فسحيله جهت ملكيه جه تعقيبات قانونيه دوام اولمق اوزره اوراق دعوانك داخله نظارتنه ارسالى وعدليه نظارتنه ده معلومات اعطاسى تذکر واوراق مذكوره لفاً تقديم قلندى اولبابده امر وفرمان حضرت من له الامر كدر.

انجمن عدليه مقرراتى

انجمن عدليه صادر اولاره ۲۵ مارت سنه ۳۲۹ تاريخلى ۱۰۷ نومرولى قرار صورتيده :

« رضى اداره سنده مستخدم بولنان مديونلرك احتياط صندوقده متراكم اچلرندن

ايفاي دين ايديله مامسى حقهده »

محكمه تجارت رياست اولاسنك ۵ كانون اول سنه ۳۲۸ تاريخلى مذكوره سى ايله جلب ايديلن رضى اداره سى مأمورين نظام نامه سى مطالعه وتدقيق اولندى.

توتون رضى اداره سنده مستخدم بولنان مديونلرك اداره مذكوره نظام نامه داخليسى موجب سبب مؤسس

احتیاط صندوقده مترام اچهلریله تقاعد معاشلری ضمنک محکوم به دیلرینک تأمین استیفاسی ایچون حجزی ضمننده سبق ایدن اشعارات عدیده یه اداره مذکوره قومیسرلکندن وارد اولان تذاکر جوابیه ده مدیونلرک احتیاط صندوقده کی حصه لری مأمورین اداره نک زمان مأموریتلرنده اداره یه قارشى بررهن مقابلنده اولوب توقیفی قابل اوله مایه جنی و تقاعد معاشنه کلنجه اداره طرفندن مدیونلره ویرلمکده اولان تخصیصات مأمورین حکومت کی حد ذاتنده معاشلرندن توقیف صورتیله تشکل ایتش بر صندوقدن ویریلن تقاعد معاشی اولیوب صرف امر معیشتلرینه مدار اولق اوزره مروء ایفا ایدلمکده اولان بر معاونت نقدیه دن عبارت بولندیغه و بونک اعطا ایدیلوب ایدلمه منی اداره نک یداختیارنده اولدیغه نظراً تخصیصات مذکوره نک حجزی جهته کیدیله میه جکی محرر بولمقده اولدیغندن بحث ایله رژی مأمورلرینک احتیاط صندوقده مترام اچهلریله بعدالمأموریت استیفا ایتکده اولدقلری معاشاتک قابل حجز اولوب اولمادیفی استیدان ایدلمکده در .

رژی اداره منی مأموریتنه مخصوص نظامنامه نک الی ایکنجی ماده منی صراحت مندرجاتنه نظراً مأمورین مومی الیه مک احتیاط صندوقده کی اچهلری زمان مأموریتلرنده ایراث ایده جکلری ضرر و زیانک تأمین استیفاسی ضمننده کفالت مقابلی اولغله دین ایچون حجز و توقیفی غیر جائز اولوب آتجق نظامنامه مذکوره قرقجی ماده منی موجبجه تخصیص ایدیلان معزولیت معاشندن اجرا قانوننامه منی موجبجه توقیفات اجراسیله دیون محکومه نک تأمین استیفاسی لازم کله جکی تذکر قلندی .

انجمن عمرلرده صادر اولده ۲۸ نیساره سنه ۳۲۹ تاریخى ر ۹۹ نومردی قرار صورئدر :

« جزای نقدیلرک محاکمه حبسه تحویلنی متضمن اعلاماتک تابع تبلیغ و قابل استیناف و تمیز اولوب اولمادیفی و بوقیل حکملر ایچون مصارف محاکمه اخذی لازم کلوب کلیه جکنه دائر »

سوریه استیناف مدعی عمومیلکنک ۳ تشرین اول سنه ۳۲۸ تاریخلی تحریراتیله امور جزائییه مدیریت بهیه سنک ظهرنده محرر درکناری مطالعه و تدقیق اولندی .

تحریرات مذکوره نک مالی قانون جزانک اوتوز یدنجی ماده منی موجبجه جزای نقدیلرک محاکمه حبسه تحویلنی متضمن اعلاماتک تابع تبلیغ و قابل استیناف و تمیز اولوب اولمادیفی و بوقیل حکملر ایچون مصارف محاکمه اخذی لازم کلوب کلیه جکی و محکمه یه سوق اولنه جق بویولده کی مسائلک محاکمه سندن اول ویاخود یوم محاکمه سنده جزای نقدی اعطاسنه محکوم اولان شخصک محکوم به جزای نقدی بی اعطایه میا اولسی حالنده اشبو دعوی دخی اساس معامله دفترنده مقید اولق اعتباریله نه یولده معامله ایفا ایدلمک و حبسه تحویله قرار ویرلدکن صوکره جزای نقدی تأدیه اولنورسه نه یایلق لازم کله جکی استفساری

متضمن و مدیریت مومی الیه انک مطالعه منی دخی محکوم به جزای نقدینک تأدیه ایدلمه مسندن ناشی حکم اولنه جق حبس جزایی محکوم علمنی تأدیه دینه اجبار ایده جک وسائط تضییقه دن اولغله بوقیل حکملر اگر غیاباً صادر اولمش ایسه خبردار اولسی ایچون محکوم علیه تبلیغی مقتضی ایسه ده بونلرک سبب صدورى اولان جزای نقدی اساساً بر اعلامه مستند و بواعلام ده یاطرق قانونیه دن حکمک و یاطرق مذکوره یه مراجعت ایدلمه مک صورتیله کسب قطعیت ایتش اولمسندن ناشی بونلر ایچون ده تکرار طرق قانونیه یه مراجعت حالنده تکرار و تسلسل وقوعی طبعی اولغله احکام مذکوره نک قابل اعتراض و استیناف و تمیز اولماسی لازم کله جکی کی جزای نقدی متضمن اولان حکم ایچون ذاتاً مصارف محاکمه حکم ایدلمش اولدیغندن بونک حبسه تحویله دائر صادر اوله جق حکملر ایچون مصارف محاکمه و صورت و تبلیغ خرچلری استیفاسی موافق قانون و معدلت کوریله مدیکنی و جزای نقدینک حبسه تحویلی طلبنی متضمن اوراق محکمه یه تودیع اولندقدن صوکره کرک قبل الحاکمه و کرک حین محاکمه ده جزای نقدی تأدیه اولنورسه حبس جزاسنک سقوطی حکم قانون ایجابندن بولمسنه منی اجرای محاکمه محل اولیوب محکمه جه دعوی اخیریه متعلق اوراقک حفظه دائر اتخاذ اولنه جق قرار اوزرینه اساس معامله دفترینه اشارت ایدلمشی و شاید جزای نقدی حبسه تحویله قرار ویرلدکن صوکره تأدیه اولنورسه بو حکمک دخی اجراسنه محل اولمایه جغندن اداره انفاذندن صرف نظر اولنه رق اووجهله قیدلرینه اشارت ایدلمک لازم کله جکی میندر .

محکوم به اولان جزای نقدیلر تأدیه ایدلمه مسندن ناشی حبسه تحویلی متضمن اوله رق ویریلن حکملرک احکام سائرده دن فرق اولماسنه بناءً غیاباً صادر اولمش ایسه محکوم علیه تاریخ تبلیغدن و جاهاً صادر اولمش ایسه تاریخ تهییدن اعتباراً مدت قانونیه منی ظرفنده طرق قانونیه یه مراجعت صلاحیتی درکار اولوب جزای نقدینک مستند اولمادیفی اعلامک کسب قطعیت ایتش اولسی بونک حبسه تحویلی متضمن آریجه ویریلن حکمه قارشى طرق قانونیه نک سدی موجب اوله مایه جنی کی جزای نقدی تأدیه ایتمه مسندن ناشی بونک حبسه تحویله دائر حکم صدورینه سببت ویرمش اولان محکوم علیه اشبو حکم مصارفی دخی تأدیه یه مجبوریتی طبعی اولدیغندن مدیریت مومی الیه انک بوبابده کی مطالعاتی مصیب کوریله مه مش ایسه ده حکمه دن اول ویا حین محاکمه ده جزای نقدینک تسویه منی حالنده ایفاسی لازم کلن معاملاته دائر درمیان اولنان مطالعاتی موافق قانون بولمش اولدیغندن محله اولوجهله تبلیغات جوابیه ایفاسی تذکر قلنشدر .

انجمن عمرلرده صادر اولده ۲۸ نیساره سنه ۳۲۸ تاریخى ر ۱۰۰ نومردی قرار صورئدر :

« حقوق محاکمه رویت ایدیلن دعاوی تجاریه ده اجنبی اعضانک بولنامه منی اصول متخذه دندر »

درسیعادت استیناف مدعی عمومیلکنک ۲۱ شباط ۳۲۸ و امور حقوقیه مدیریتک ۲۵ مارت ۳۲۹ سنه تاریخلی مذکره لری مطالعه و تدقیق اولندی .

تبعه عثمانیه دن فیلیک ایتالیا دولتی تبعه سندن ناویتو علیه اقامه ایدیک بیك غروش متجاوز آلاق دعواسنك انای محامه سنده حاضر بولندیرلسی اصولاً قائم مقامه تبلیغ ایدیلن ایکی اجنبی اعضانك محکمه یه کله میه جکری جواباً از بار اولمش وباندر میه طقوز ساعت مسافده ایتالیا قونسلو سخانه سی بولنه مامسندن ناشی ترجمان توسیطی ممکن اولمایوب محکمه نك مختلطاً عدم تشکلی حالنده دخی اعطا قننه حق اعلامك جهت انفادیه سنده مشکلاته تصادف ایدیه چکی نظر دفته آنه رق محکمه نك مختلطاً تشکلی وترجمانك حضوری لازم کلوب کلیه چکی و حضوری لازم کلدیکی حالده صورت جلی خصوصاً سنده باندر میه بدایت محکمه سی ریاستجه تردد ایدلیکندن بحث ایله استیدان معامله اولنقه در .

باندر میه ده تجارت محکمه سی بولنامسی سبیلده دعاوی واقعه نك حقوق محکمه سنده رؤیتی طبیعی وبویله حقوق محامه سنده رؤیت ایدیلن دعاوی تجاریه ده اجنبی اعضانك بولنامسی اصول متخذه ایجابندن بولنقه اولسنه نظراً محکمه نك مختلطاً تشکلی لازم کلیوب انحق محل مذکورك در سعادته قریت مسافه سی سبیلده برترجمان اعزامی ضمننده محکمه جه علی الاصول دولت مشارالیه سفارتنه تبلیغات لازمه اجراسیله کوندرلدیکی حالده بالواسطه ایجابی ایفا اولنقی اوزره کیفیتك نظارت جلیله لرینه اشعاری لزومك جواباً تبلیغی تذکر قلندی .

محکمه تمیز حقوق دائره سنجه تدقیقاتی نتیجه پذیر اولان دعاوی اعلاماتنك لیسته سی

[مابعد]

اوراق نومروسی	اسامی محاکم	میز	میز علیه	تاریخ قرار	نوع قرار
۲۹	از میر بدایت	امینه خانم	حقی بك	۶ نیسان سنه ۳۲۹	رد
۲۹۰	سوكه بدایت	یحیی ورفقاسی	لوقه	»	رد
۲۹	نعللو خان بدایت	سلیم ثابت	منلا محمد	»	»
۲۷۹	جیده بدایت	مصطفی	زراعت باقه سی	»	»
۲۸۴	دكرلی استیناف	دفتر خاقانی اداره سی	محمد راشد افندی	»	نقض
۲۹	در سعادت استیناف	بكر بك	اوقاف هایون نظارتی	»	»
۲۸۸	بافرا بدایت	صاوا	کرا قو	»	»

اوراق نومروسی	اسامی محاکم	میز	میز علیه	تاریخ قرار	نوع قرار
۲۹	حلب استیناف	مالیه خزینه سی	مصطفی افندی	۶ نیسان سنه ۳۲۹	تصدیق
۹۸	بوزقیر بدایت	رجب و موسی	مصطفی و احمد افندی	»	نقض
۲۹	در سعادت استیناف	اسکنازی	ق . قاله ری برادر لر	»	تصدیق
۲۹	قره سی بدایت	مالیه خزینه سی	آرتین	»	»
۸۲	کرده بدایت	حافظ سید علی ورفقاسی	مالیه خزینه سی	»	رد
۲۹	بیروت استیناف	حفیظه	عبد الحمید بك	»	تصدیق
۲۹۹	بیروت استیناف	احمد	نهمان	»	رد
۲۹	اربیل	احمد	حاجی قادر و صادق	»	نقض
۲۹۱	حلب تجارت	محمد	احمد صباغ	»	تصدیق
۲۹	سیور یحصار بدایت	حسین	علی	»	نقض
۲۸	ارضروم استیناف	هو پور قریه سی اهالیسی	کلنجی قریه سی اهالیسی	»	تصدیق
۲۹	ناصره بدایت	سلیم	دیگر سلیم	»	نقض
۲۸	دیاربکر استیناف	قره بت ورفقاسی	بدریه خانم	»	»
۱۹۰۴	کینی بدایت	حسن	حسین	»	»
۲۹	بغداد تجارت	عبدالواحد	عبدالرزاق	»	»
۲۹	کرده بدایت	محی الدین افندی	صادق افندی	»	تصدیق
۳۰۲	در سعادت استیناف	یورواندیس و فراجیدیس	عابل کلنکیکن	»	»

- مابعدی وار -



۵ ماده

بر کیمسه باسند خاقانی عهدۀ تصرفند بولنان اراضی امیریۀ و موقوفه‌ی قطعی و وفاء فراغ و ایجار و اعاره و یادین مقابلندۀ تأمینات اوله‌رق ارأه‌ایدیلور . و بونلرک زوائد و منافعدن وحدای نابت حاصلاتندن منحصرأ استفاده ایدر . و کذلک ترلا و چایر و مرغی و باغچه‌ی زراعت ایدر و قوریلرینی و باغلرینی سوکدرک و ابنیه‌سی و ارایسه هدم و قلع ایلهرک ترلا اتخاذا ایلر . و ترلا و سائر اراضیسی رقبه‌سی بیت‌الماله عائد اولمق اوزره کروم و اشجار مشمره و یاغیر مشمره دیکدرک باغ و قوری و بستان و باغچه حاله افرار ایدر . و اراضیسی اوزرنده قریه و محله حاله کتورلمامک شرطیله خانه و یا دکان و یا هر نوع اعمال‌تخانه و یا زراعت متعلق ابنیه احداث و انشا و برقسمنی تفریق ایله خرمن‌ری اتخاذا ایدیلور . شوقدرکه تحولات و وقوعنده تصحیحاً و تبدیلاً سند خاقانی آنسی مقتضیدر . اراضی امیریۀ و موقوفه اوزرنده بوضورتله غرس و احداث اولنه‌جق کروم و اشجار و ابنیه و مشتملات و تفرعاتی امر تصرف و انتقاله اراضی‌یه تابع اولور . و عشر و یرلیه‌جک صورته استعمال اولنه‌جق یرلر ایچون مقاطعۀ سنویه تخصیص ایدیلور .

اسباب موجبہ‌سی : اراضینک منافعه متصرف اولانلرک عهدۀ تصرفندہ کی محالردن نه وجهله استفاده ایدیلرک جکلرینی و اراضینک درجۀ قابلیتله احتیاجلرینی کندیلر ی تقدیر ایتک و آکا کوره حرکت و تصرف ایلک مجبوریتندہ بولنه‌جق درکار و معاملات تصرفندہ برچوونک مشکل الایفائیراٹ تحتندہ بولندیرلمسندن غایۀ مقصد ، منافع امیریۀنک تأمین قضاہ‌سی اولدینی حاله منافع مذکورہنک مساعدات کافیه ایلہ جریان ایلہ‌جک معاملاتندہ بالطبع شمدیکندندها واسع بر داده ده حصوله کله‌جکی اشکاردر . زیرا برطاقم تحولات تصرفیه حقندہ اذن استحصالی ایچون مرکز قضایه کیدرک کونلرله ایشندن کوجندن قالمق مثللو اراضی متصرفلرینی بر امررد شواره منقاد ایلکده مصلحۀ بر فائده موجود اولیوب یالکز اوکیمسه ازعاج ایدلمش و منافعی و قتیله تأمین واستحضار ایدیلرکده سربستی حرکندن محروم براغلمش اولور . بناءً علیه ایقاسی مستحیل اولان قیود و شروط موجوده‌نک طی و رفعیله اصحاب اراضی‌یه تسهیلات ممکنه‌نک ارأه‌سی لازمه‌دن کوریلرک اراضی قانونامه‌نک خصوصات مشروحیه دأر اولان طقوزنجی و اونجی و اون برنجی ماده‌لریله اون طقوزنجی ماده‌نک فقرۀ اولاسی و یکریمی بش و یکریمی سکیز و یکریمی طقوز و اونوزنجی ماده‌لری مقامنه قائم اولمق اوزره اشوبوشنجی ماده ترتیب ایدلمشدر .

فقرۀ سابقه ایجابجه اراضی متصرفلرینک صلاحیت جدیدلرینی دیلدکلری صورته استعماله مبادرت ایلرک جکلری و بوضورتندہ بر چوق اراضینک اوزرینه ابنیه و اشجار و کروم احداث و غرسی مثللو بر وجهله شکل آخره تحول ایلرک جکی درکاردر . دیگر طرفدن اراضی قانوننک سکسان برنجی ماده‌سی موجبجه اراضی امیریۀ و موقوفه اوزرنده مأمورینک اذنیله احداث اولنان ابنیه و غرس ایدیلان اشجار و کرومک متصرفلری وفات ایلد کده ورثه‌سنه انتقال ایدوب یرلری دخی آنلره تابع اوله‌جق حقندہ کی حکم بوندن بویله ادامه

قانون غیر منقولہ

اموال غیر منقولہنک تصرفنه عائد مواد قانونیہ دأر تشریحات

— کچن نسخه‌دن مابعد —

فقرۀ موقته محاکمه مواضعه و نام مستعار دعوالرینک استماعی ایچون ایکی سنه مدت تعیین ایلشدر . بو مدتک مبدئی قانونک ۱۸ ماده‌سندن منضم اوله‌جق اوزره بوقانونک تاریخ نشر و اعلانی اوله‌جق کبی منتهاسی دخی اصول محاکمه ذیلنک ۳۴ ماده‌سی موجبجه دعوی عرفیانک محکمه‌یه قیدی تاریخیدر . بناءً علیه ایکی سنه‌نک تمامندن برکون مقدم دعوی عرفیالی محکمه‌یه قید ایدلسه بو دعوانک استماعی لازم کلور .

بو فقره‌ده کی سنه‌نک شمسیه اعتباریله حساب ایدلمسی موافق اولور . چونکه سنه شمسیه ، قریه‌دن ده‌ا زیاده اولغلہ سنه شمسیه اعتبار ایدلسنده ده‌ا زیاده وسعت و اصحاب حقوقه کنیشلاک کوسترلمش اولور . چونکه بو مرور زمان ، شرعی اولیوب صرف قانونی اولدیغنه مبنی شمسی اعتبار ایدیلرک یکریمی کون قدر بر مدت تزید ایدیلرک اصحاب حقوقه سهولت و وسعت کوسترلمش اولور . ایکی سنه صکره بو قبیل دعوالرک استماعی ممنوع اولدینی کوستریلور .

مدعی‌علیه مواضعه یا نام مستعاری انکار ایدرسه شاهد استماع و منکره یمین توجین ایدلماسی نقطه‌سندہ بو ممنوعیت ثمره‌دار اولور ایسه‌ده مدعی‌علیه مواضعه یا نام مستعاری اقرار و اعتراف ایتکله برابر استماع دعوی ممنوع اولدینی بیانیه اعاده‌دن امتناع ایلدیکی حاله محکمه اعاده فراغه حکم ایدرک جکی یوقسه دعوائی رد ایلرک جکی ؟ حکم ایدرسه فعل ممنوعی ارتکاب ایتش اولور . رد ایدرسه اجرای عدالتہ مأمور اولان محکمه ظلمی تقریر و تثبیت ایتش اولور .

بو مثللو ملاحظات حقوقیه مبنی مرور زمانله استماع دعوی منع ایدلمکله برابر خصم اقرار ایدرسه اقرار ایلر الزام اولمسنی دخی مجله‌ده قبول ایلشدر .

ایکی سنه بلا عذر شرعی کچرسه استماع اولنه‌ماز ایسه‌ده صغروجنون و عته و مدت سفر بعید محله بولمق کبی اعدار شرعیه‌دن برینک وجودی تحقق ایدرسه آندن صکره دخی استماع اولنور .

ايديله جك اولسه اراضى اميريه وموقوفه نك بالتدريج ملكيت حال وشكلنى اكتساب ايله جكي وبالنتيجه ميرى ووقفلى ايچون ضياع حقوق وملكاده بعض كونه محذورى بادی اوله جنى آشكاردور .

اشبواحوال شايان تأمل اولدينى كى ذكر اولنان ماده قانونيه حكمنجه انتقال خصوصنده حقيقت حاله اطلاع ممكن اوله مامسندن يعنى اراضينك اينه واشجار ايله مشغول ويا آنلردن خالى بولندينى زمانلرك مبدأ ومتناسى تعيين امرنده كى امكانسزلقدن طولايى حقوق ارثيه وانتقاليه جه وقوعه كلكده اولان تشوشاتك ازاله سى اسبابنك استكمالى دخی مقتضى كورنمشدر .

كرچه املاك صورت تصرف وتوارثيله اراضينك تصرف وانتقالى بيننده بيوك فرق موجود بولندينى زمانه كوره اراضينك اينه واشجاره تابع طوتمسند برفانده متصور اولدينى كى اوزمان اينه واشجار احداث وغرسى قانونا مأمورينك اذننه معلق بولنديرلسندن طولايى مأمورلرك هر جهتن منافع اميريه ووقفه يي درپيش تأمل ايله رك آكا كوره اذن ورخصت ويا جواب رد اعطا ايله جكلرى جهته بر مضرت ترتيب اتيه جكي وذاتاً بومقوله معاملاتك محدود ومنافع اميريه نكده محفوظ برحاله قاله جنى دركار ايسده حدود انتقاليه قانون مخصوص ايله غايت واسع برشكله افراغ وفقره سابقه حكمنجه ده اراضى متصرفلرینه صلاحيت واسعه اعطا اولندقدن صكره اراضى متصرفلرينك احداث ايله جكلرى شيلرده كى حقوق ملكيتلر ايله اراضى اوزرنده كى صلاحيت تصرفلرى بيننده قاله جق اولان پك آز فرق سببيله تصرف وانتقال خصوصنده شكل قديم اوزرينه معامله ده دوام ايدلسى ايجاب مصلحته ومنافع اميريه يه مواقع اوله ميه جنى بديهي واشبو مساعدات ايله برلكده تأمين اطراد ايچون اراضى اوزرنده بوندن بويه احداث اولنه جق اينه وغرس ايديله جك اشجار وكرومك ده اراضى يه تابع طوتملى صورتلك اختياري مقتضى كورلمش وماده مذكوره يه بويوله برفقره علاوه قلمشدر .

شرح : اراضى اميريه وموقوفه با سند خاقانى تصرف ايدن كيمسه يدنده مأجور اولوب اجاره يه ويريلان اراضى اولدينى حاله مجله نك ۵۲۴ ماده يي وجهله صحت اجاره ده مستأجر ك اول اراضى يي صورتله استعمال ايدجكنى تعيين يا تعميم ايدملك لازم كلور . والا اجاره فاسد اولور .

بو ماده ايله صورت استعمال تعميم ايدلمش و بناء عليه اجاره دن عبارت بولنان فراغ و تفويض بوجهتن طولايى فساددن قورتارلمشدر .

واقعا يوقا ريده بسط و بيان اولندينى اوزره بو فراغ و تفويض جهالت مدت و تأييد كى بعض اسبابدن طولايى فساددن خالى دكلسده بو ماده ايله اسباب فساد تقليل وصحته تقريب ايدلمش اولور .

بوماده اراضى اميريه متصرفه صورت انتفاع حقنده صلاحيت واسعه ويرمش اولديغندن بونلرك برر برر تشرىحي موافق اولور .

- ۱ — قطعياً
- ۲ — وفاء

فراغدر .

يعنى برقطعه اراضى يه با سند خاقانى متصرف اولان كيمسه بواراضى يي ديلديكنه بدل مقابله سنده يا بجائاً قطعياً يعنى وفا واستغلالا اوليه رق آخره فراغ ايد بيلور . دفتر خاقانى مأمورينك بو فراغه ممانعت ايدرك اذن ورخصت ويرمامكه صلاحيتى يوقدر .

متصرف حال صحتنده فراغ ايد بيله جكي كى مرض موتنده دخی فراغ ايد بيلور . حال صحتنده احد ورثه سنه يعنى اصحاب انتقالندن يالكز برينه فراغ ايدرك ديكر اصحاب انتقالنى محروم ايد بيله جكي كى مرض موت ايله مريض ايكن كذلك بعض اصحاب انتقالنه بدل ايله يابلايدل فراغ ايدرك ديكر اصحاب انتقالنى محروم قله بيلور . و بونده بيع مريض حقنده مجله ده مذكور اولان احكام جارى اولماز . زيرا ارض ميرى متصرفنك مالى اولديغندن بيع مريض حقنده كى احكام شرعيه فراغ مريضده مرعى اوله ماز .

اصحاب انتقالندن كيمسه سى بولميان بر مريض مرض موتنده اراضى يي آخره فراغ ايدجك اولسه صاحب ارض ممانعت وفراغه اعطاي رخصتك امتناع ايد ميه جكي كى بعدالفراغ وفات ايتدكده دفتر خاقانى مأمورى مفروغ لهندن استرداد دعواسنى اقامه ايد ماز .

اراضى متصرفى ، يالكز ايكنى كيمسه يه فارغ اوله ماز . فراغه تشبث ايتسه دفتر خاقانى مأمورى مساعده ايد ماز ، برنجيسى ، ممالك شاهانه ده استملاك املاكه مأذون اولميان دولت اجنبيه تبعه سنه فارغ اوماز . بوده بوكون چين و ژاپون دولترندن عبارت قلمشدر .

ايكنجيسى ، قوانين و نظامات مخصوصه ايجانجه اموال غير منقوله نك تصرفه حق بولميان اشخاص حكميه يه فارغ اوله ماز . بوكادائر ايضاحات قانون مخصوصنده مذكوردور .

۳ — استقلال فراغدر .

بوفراغدن قانون ساكت ايسده فراغ مذكور ك جوازي بوماده قانونيه ايله منقهم اولور . زيرا استغلالا فراغ ، اجاره عاديه ايله وفاء فراغدن مركب بر عقد اولوب فراغ واجاره فردا فردا تجويز ايدلمش اولمغه مركباً جوازي دخی منقهم اولور .

۴ — ايجاردور .

يعنى اراضى اميريه وموقوفه نك متصرفى بواراضى يي مجله نك كتاب الاجاره سنده محرر مسائله واحكامه توفيقاً مدت طويله يا قصيره ايله آخره ايجار ايد بيلور . واله جنى اجر مسمى كندى مالى و ملكى اولور .

۵ — مزارعه ويرمكدور .

قانونده مزارعه يه ذكر ايدلماش ايسده مزارعه نك جوازي قانون عمومى بولنان مجله ده مذكور وبوكى

قانون خصوصیت ساکت اولدینی احکامده قانون عمومی به مراجعته مجبورت موجود اولدینی کبی مزارعه دخی من حیث المعنی اجاره در .

۶ — اعاره در .

یعنی بر کیمسه باسند خاقانی متصرف اولدینی اراضی بی دلدیکنه عاریته ویره بیلور . و بوعاره ده مجله ده مذکور اولان عاریت احکامی جاری اولور .

فقط بوعاره، متصرف بولنان معیرک مالک واستیفاسنه مقتدر اولدینی منافعی استیفایچون اولق شرطدر . بناءً علیه متصرفک استیفاسنه حق و صلاحیتی بولنمیان بر صورتله انتفاع ایتک اوزره آخره اعاره به حق یوقدر .

۷ — دین مقابلنده تأمینادر .

بوکا دائر تفصیلات قانون مخصوصنده مذکور بولندینی جهته بوراده ایضاحدن صرفظراولنشدر .

۸ — بونلرک یعنی اراضی امیریته نک زوائد و منافعندن و خدای نابت حاصلاتندن منحصرأ استفاده در . اراضینک زوائدی اکین کبی محصولاتی و خدای نابت اشجاری و کذلک خدای و یاخود متصرفک تسبیله نابت اولتری کبی شیردر . منافع دخی بونلردن عبارتدر .

اکین و متصرفک تسبیله نابت اولتر و خدای نابت اشجار کبی محصولاتی حصراً متصرفه عائد اولوب آخر برکسنه بونلره تعرض ایده مز . ایده جک اولسه منع اولنور . استهلاک ایتسه تضمین ایتدیریلور . یعنی متصرفک تسبیله نابت اولتری یاخود مزروع اکینلری و یاخود خدای نابت اشجاری و یاخود متصرفک غرسيله ميدانه کلان آغاچلری شخص آخر اخذ واستهلاک ایتسه متصرفی بونلری تضمین ایتدیرر . لکن متصرفک تسبیل اولقسزین خدای نابت اوتنه کلنجه بواقی آلمق اوزره شخص اجنینک ترلايه کیرمه حق و صلاحیتی یوقدر . کیره جک اولسه منع اولنور .

فقط برتقریب ایله کیروبده بوکبی خدای نابت اوتی اخذ و دمت باغلامق صورتيله احراز ایتدکده اراضی متصرفی استرداد ایده میه جکی کبی بواقی بولندینی یرده حیوانه یدیرمک یاخود ترلادن بعدالخراج استهلاک ایلک کبی بروجله اتلاف ایتسه متلفه ضمان لازم گلر . بروجه مشروح متصرفک تسبیل اولقسزین نابت اولان اولترک استهلاکی موجب ضمان اولدینی مجله نک کتاب شرکتنده مصرح بولنشدر . بونوع اولترک استهلاکی موجب ضمان اوله جنی بوقانونده بیان ایدلدیکنه مبنی بوخصوص قانون عمومی بولنان مجله احکامنه تابع بولنه جنی درکاردر . بوماده دن بومسئله بی بشقه درلو آکلامق هم مجله احکامنه مخالفت و همده بوقانوندن قصد ایدلمیان برمعنی استخراجه غیرت ایدلمش اولور .

۹ — ترلا وچایر و مرعی و باغچه بی زراعت ایدر .

یعنی متصرفی زراعت ایچون معد اولان ترلای صفت اصلیه سی اوزره بالمحافظه زراعته دوام ایده بیله جکی

کبی صفت حالیه سی چایر یا مرعی یا باغچه بولنان یرلری دخی صفتلرینی بالتبذیل چایری و مرعایی و باغچه بی زراعت ایده بیلور .

هر تقدیر قانون ساکت ایتسه ده بوماده دن مقصد متصرفه دلدیکی وجهله انتفاعه صلاحیت بخش ایتک اولدیغندن متصرف ترلاسی مرعی وچایر و باغچه حاله افراغه مقتدردر .

بونده کی مرعادن مقصود ، عمومک انتفاعنه تخصیص ایدلمش اولان مرعی اولیوب بلکه سند خاقانی ایله و شخصی صورتله تصرف اولنان مرعادر . زیرا عمومه عائد اولان مرعی زراعت اولنه ماز . و حال اصلیه سی تبدیل ایدیله مز .

۱۰ — وقوریلرینی و باغلارلرینی سوکدرک و ابنیه سی هدم و قلع ایلهرک ترلا اتخاذا ایدر .

یعنی بر کیمسه باسند خاقانی متصرف اولدینی قوریسنک آغاچلرینی قلع ایده رک ترلا اتخاذا و زراعت ایده بیلور . و بنالری هدم ایده رک زراعت صورتيله انتفاع ایلهر بیلور .

و بروجه بالا طقوزنجی و اونجی صورتلره تصرف ایچون دفتر خاقانی مأمورندن اذن و رخصت استحصالنه مجبور دکدر .

سؤال ، فقره آتیته بیان اولندینی اوزره متصرف طرفندن اراضی اوزرنده احداث اولسان ابنیه و سائرته نک رقبه سی بیت الماله عائد اوله جقدر . بیت الماله عائد اولان بو محدثاتی اراضی متصرفی نصل هدم و قلع ایده بیلور . قانون رخصت و یرمشدردیه جواب و یرمک دخی صحیح دکدر . زیرا اموریت الماله تصرف مصلحت و منفعتک وجودینه متوقفدر . بونده ایسه منفعت دکل ، مضرت متحققدر . چونکه مثلاً باغ حالده ایکن قیمتی یوزآتون ایدر . متصرفی بونلری قلع ایده رک آصمه لری و آغاچلری اودون اولق اوزره استعمال و بیت المالك ملكتی بلاعوض اتلاف ایده جکدر . و بوندن طولانی عقارک قیمتی الی آلتونه تنزل ایلهر جکدر بو ، نصل صحیح اولور ؟

دینلورسه که قانون یدنجی ماده ده اراضی امیریته دن طوغله و کرپیچ یا بمق و احجار مخلوقه بی چیقارمق ایله استهلاکه مساعده ایدیور . بوسورتله واقع اولان استهلاک اتلاف العینه مصادفدر . بوکا جواز و یرنجه ابنیه و اشجاری قلعه و استهلاکه جواز و یریور دیمکدر .

جواباً دیرزکه اراضینک طور اغندن و طاش و قومندن بروجه مشروح استهلاک صورتيله انتفاعه اذن و یرمسی متصرف و مستأجر اولق اعتباريله دکدر . بونلرک استهلاکی مقابلنده قوانین و نظامات مخصوصه موجبجه آروجه بر بدل خزینه ایچون آله جقدر . حالبوکه ابنیه و اشجارک هدم و قلعيله استهلاکی مقابلنده آروجه بدل آلمیور .

۱۱ — ترلا وچایر کبی سائر اراضیسی بیت الماله عائد اولق اوزره کروم و اشجار مئمره باغیر مئمره دیکهرک باغ و بستان و باغچه حاله افراغ ایدر .

يعني اراضي اميريه وموقوفه نك متصرفي قابل زراعت بولنان ترلاسنه كروم يا اشجار مشمره يا غير مشمره ديكرك باغ وقوري وبستان و باغچه حاله افراغ ايتك ايسستدكده اراضي مأموري ممانعت ايدمز . فقط يوكروم و اشجاري آنحق بونلرك رقبه سي بيت الماله عائد اولق اوزره ديكربيلور . كندى ملكي اولق اوزره ديكمز .

اراضي اميريه وموقوفه نك متصرفي طرفندن اراضي مذكوره اوزرينه بومثللو شيلري احداث اولندقدن بونده اوچ صورت واردر .

اولا ، رقبه سي و ملكيتي بيت الماله عائد اولق اوزره يعني بونيت و شرط ايله احداث ايدر . بو صورته محدثات مذكوره بيت المالك ملكي اولور . يوقسه غارسك ملكي اوله ماز ، ومتصرفك بونلري احداث امرنده واقع اولان مصارف بيت المالدن طلب ايدمز . يعني صرفياتنده متبرع اولور . و اونجي فقره ده بيان اولنديغي اوزره مؤخر متصرف بونلري هدم و قلع ايدرك استهلاك و زميني ترلا حاله اعاده ايدربيلور . يوقايرده ذكر اولنديغي اوزره بروجيه مشروح قلع و استهلاك بيت الماله مضر اولديغنه كوره جائز اولماق ايجاب ايدر كن قانون بوكا نصل مساعده ايدربيلور ديه اعتراض وارد اولور .

ثانياً ، قانونك شرطي خلافتنه اوله رق متصرفي كندى ملكي اولق اوزره احداث ايدجكني بيان و اشهاد ايدرك احداث ايلر .

ثالثاً ، حين احداثه بيت الماله عائد يا كندى ملكي اولق خصوصنده بركونه نيت و بياني اولميه رق احداث ايدر .

بوايكنجي و اونجي صورتلرده محدثات مذكوره اراضي متصرفي بولنانك مال و ملكي اولور . يوقسه بوقره قانونيه بنا ايديلوبده رقبه سي و ملكيتي بيت ماله عائد اوله ماز . زيرا تبرع ، متبرع طرفندن مستفاد اولور . ثبوت تبرعه متبرع لهك سوزي حائر تأثير اوله ماز .

مثلاً بركيمسه ديكر كيمسه نك عرصه سنده او كيمسه نك امرى اولميه رق او كيمسه ايچون برخانه انشا ايلسه او خانه مجاناً او كيمسه نك ملكي اولور ، او كيمسه بو خانه يي قلع و هدم ايدميه جكي كبي مصرفي دخی او كيمسه دن طلب ايدمز .

اما بركيمسه بيم عرصه مده كيم نه بنا ايدرسه بكا تبرع اولق مشروطدر ديه اعلان ايتدكن صكره ديكر كيمسه مذكور عرصه ده كندى نفسي ايچون خانه انشا ايتسه بو خانه او كيمسه نك ملكي اولور . يوقسه مجرد اعلان مذكوره بناء بو خانه صاحب عرصه نك اوله ماز .

بو تقديرده ميرينك بو محدثاتي قلع و رفع ايتديرمكه حق اولور . اكر هدمي و قلعي ارضه مضر دكسه . و الامستحق القلع قيمتيه مقلوعا قيمتدن هانكيسي اقل ايسه طرف ميريدن و يريله رك محدثات مذكوره ميرى ايچون ضبط ايدملك لازم كلور .

بروجه مشروح متصرف اراضي كندى ايچون بو محدثاتي احداث ايتسه بالاده ايضاح ايديلان معامله اجرا ايديله جكمي يوقسه حكم قانون مطلقدر دنيله رك يوقسه غير مشروح و خلاف حقانيت اوله رق محدثات ميرى ايچون ضبط اولنه جقمي ؟

بوقر وجهله ابيه يا اشجارك ارضه تابع اولمى بوقانونك تاريخ نشردن صكره واقع اولان انشاآت و مفروسات ايچون اوله بيلور .

اما بوقانونك نشردن مقدم واقع اولان انشاآت و مفروسات انشا ياغرس ايدنك مال و ملكيدر . و بونده اراضي ابيه و اشجاره تابع اولوب ابيه و اشجار نصورتله موروث اولور ايسه اراضي دخی اول صورتله موروث اولور .

مثلاً بو ابيه و اشجار صاحبي وفات ايدرك براوغلي و برده قزى بولنسه ابيه و اشجارك ثلثاني اوغلنه و ثلثي قزينه موروث اولديغي كي ارض ميرى دخی ملكه تبعاً بروجيه مشروح انتقال ايدر . يوقسه انتقال قانوننه توفيقاً مساوات اوزره انتقال ايلز . زيرا ملغا قانون اراضينك يكرمي بشنجي ماده سنده بيان اولنديغي اوزره بونلر اراضي به تابع اولمى بولمشدر . و بوكي قوانينك احكامي ماقبله شامل اوله ماز . و برده بوقانوندن مقدم اراضي متصرفك حائر اولديغي صلاحيت قانونيه سنه مبني كندى ملكي اولق اوزره بومثللو محدثاتي احداث ايتدكدن و بونده بحكم القانون ملكيتي ثابت و مقرر اولدقدن صكره بو قانون مذكور ملكيتي مال كندن سلب و ملكيتي ميرى به قلب و تحويل ايدمز .

بونلرك هانكيلى اولجه و هانكيلى بوقانونه توفيقاً احداث ايدليك دفترخاقاني اداره لر نجه ضبط و تسجيل ايديله رك آتيدن واقع اوله جق منازعاتك او كي آنمسي لابد كورينور .

۱۲ — اراضيسي اوزرنده قريه و محله حاله كتورلماك شرطيله خان يادكان يهرنوع اعمالا تخانه يازراعته متعلق ابيه احداث و برقسمني تفريق ايله خرمن يري اخاذ ايدربيلور .

يعني بركيمسه باسند خاقاني متصرف اولديغي اراضيسي اوزرينه سكانيه متعلق خان و خانه و كوشك و دكان و مغازه و بيوك كوچك هر نوع اعمالا تخانه و زراعته عائد مانديره و آغيل و دكرمن و آخور و چقنجي اولري انشا ايدميه جكي كي ترلاسنك برقسمني تفريق و افراز ايدرك خرمن يري دخی يابه بيلور . بو خرمن يري عموم ايچون دكل ، كندينه مخصوص اولق اوزره يابه بيلور .

بروجه مشروح تصرفاته قانون مساعده ايدور . بونك ايچون دفترخاقاني اداره لر ينك اذن و رخصتنه حاجت يوقدر . و بو مأمورلر بروجيه مشروح تصرفاته ممانعت و مداخله ايدمز .

۱۳ — بروجيه مشروح تحويلات و وقوعنده تبديلاً سند خاقاني آنحق لازم كلور . يعني قطعياً يا وفاء يا استغلالاً فراغ ايدلدكده صورت فراغي مابين سند خاقاني تجديدأ اعطا ايدملك ايجاب ايتديكي كي ترلا حالنده بولنان چاير و مرعى و باغچه يي قابل زراعت حاله افراغ ايتدكده سند خايسنك تبديلي اقتضا ايدر .

نته کیم قوریلرینی و باغلرینی سوکه رک تولا اتخا ایدنجه اولکی سندی تبدیلاً سند استحصالی ایلمسی مقتضی اولدینی کبی حال اصلیمی تولا اولان برقطعه یی باغ و بستان و قوری و باغچه حاله افراغ ایده جک اولسه بونک ایچون دخی تبدیلاً سند آلمسی ایجاب ایدر .

کذلک ترلاسی اوزرنده ۱۲ فقره ده مذکور اولان ابنیه یی احداث یا خود ترلاسی خرمن یری اتخا ایتدکه سند خاقانیک تبدیلی لایدر . بوجه مشروح تبدیلی سند لازم کلان احوالده متصرفی سند جدیدک مصارفنی تأدیه واستحصال سنددن امتناع ایتسه اداره اجبار اولنور .

۱۴ — اراضی امیری و موقوفه اوزرنده غرس واحداث اولنه حق کروم و اشجار و ابنیه و مشتملات

و متفرعاتی امر تصرف و انتقالده اراضی به تابعدر .

یعنی برکیمسه ترلاسنه مثلاً کروم دیکه رک باغ حاله افراغ ایتدکن صکره بوراسنی شخص آخره فراغ ایتسه ارض میری مفروغ لهک تصرفنه کچه جکی کبی کروم دخی آنک ید تصرفنه کچمش اولور . بومشله ده مشکلات آتی به تحدث ایدر .

اولاً ارض میرینک مجاناً فراغی جائزدر . حالبوکه ملکک مجاناً پیی باطلدر .

ثانیاً ، فراغ اراضی امیری و موقوفه ایله مسقفات و مستغلات موقوفه ده بیع مقامنده استعمال اولنان لفظدر . فراغ لفظیله بیع منعقد اوله ماز . چونکه فراغ ایجار و تملیک منافعدر . بیع ایسه تملیک اعیاندر . ثالثاً ، اراضی امیری متصرفی بومحدثاتی صرف کندی مالی اولق اوزره یا پارسه کندی ملکی اولور . بونک انتقالی قانونه دکل ، فرائض احکامنه تابعدر .

رابعاً ، بوقانوندن مؤخر احداث ایدلمش اولیوبده ده مقدم بوکبی شیر اراضی امیری اوزرنده احداث اولنش اولنجه وقت احداثده موجود اولان احکام صریحه قانونیه کوره بومحدثات احداث ایدنه مال و ملکیدر . و بونک انتقالی قانونه دکل ، ارثه تابع و ملک نه صورته موروث اولور ایسه اراضیده آکا تابع و ملک کبی موروث و مشق اولوردی . بر قانونک حکمی ماقبلنه شامل اوله میه جنی ینه احکام قانونیه ایجاباتندن بولمغله بوققره قانونیه ده کی تبعیت مسئله سی بو قانونک نشرنندن صکره واقع اولان محدثاته مقصور اولدینی کوسترملک و بوجهله بوکبی مهم مسائلده مأمورینک و اهالینک فکرلرینی تشویشدن قورتارلق لازم ایدی .

۱۵ — عشر ویرلیه جک صورتده استعمال اولنه حق یرلر ایچون مقاطعه سنویه تخصیص اولنور .

یعنی زراعته معد اولان ارض میری اوزرنده ابنیه یا آغاچ غرس یا خرمن یری اتخا یا مرعی حاله افراغ ایدلمک کبی برصورتله آنک زراعتی و مزروعاتندن عشر استحصالی ممکن اولیه جق برحاله استعمال ایدیه جک اولنجه ضایع اولان عشره مقابل اولق اوزره مقاطعه سنویه تخصیص اولنور . و مثلاً بنا ، مذکور ارض اوزرنده موجود اولدجه بومقاطعه نک بیت الماله تأدیه سی لازم کلور . صکره مساعده قانونیه

وجهله بوبنا هدم اولنه رق زراعت ایدیه جک اولسه سندک تکرار تبدیلی و مقاطعه نک رفع وابطالی ایجاب ایدر .

بر قطعه ارضک بر مقدارنده مثلاً بنا انشا اولندقه یا لکز بونانک اشغال ایتدیکی یر ایله بنانک حولیسی و باغچه سی کبی یر ایچون مقاطعه و یریلور . ترلا حالنده قالان باقی مقداردن کالاول عشر استیفا اولنور . بناء علیه بر قطعه اراضی چیفتلک احداث اولندقه چفتی اولری کبی بنالک اشغال ایدلیکی یرلر ایچون مقاطعه سنویه تخصیص و باقی مزروع اراضی ایچون استیفا اولنور .

۶ ماده

باسند خاقانی تصرف اولنان اراضی اوزرنده مجدداً محله و یاقریه تشکیلی اداره ولایات قانونه تابع و بویه قریه و یا محله تشکیلی صورتیه بر محله توطن ایده جکلرک تبعه عثمانیه دن بولنملری مشروطدر .

اسباب موجبیه سی : اراضیده حقوق تصرفیه نک ماده سابقه موجبجه توسیعی جهته کیدلمش ایسه ده خانه و دکان و اعمالات خانه مثللو میانینک احداثی قریه و محله حاله کتورلما مک شرطنه تعلیق ایدلمش ایدی . بوجهت دولتک منافع سیاسیه سنه متعلق اولدیغندن بشقه جه نظر اعتباره آلمش و اسباب حقیقیه به بناء بو صلاحیتک آنحق اراده سنیه استحصالیله [شرح : بوقید مجلس و کلاجه « اداره ولایات قانونه تابع » قیدینه تبدیل ایدلمشدر] منحصر آ تبعه عثمانیه طرفندن استعمالی تصویب ایدیه رک بو ماده قلمه آلمشدر . شرح : اراضی امیری و موقوفه اوزرنده مجدداً قریه یا محله نک احداثی قانون ایکی شرطله مشروط قلیور .

۱ — اداره ولایات قانونه توفیق ایدلمشدر . محله یا قریه حالا و استقبالاً اهالی کثیره نک محل سکنی و مقر اجتماعی اوله جغندن بو مثللو محله رک قریه یا محله حاله افراغنده عرصه لرک فن دائره سنده افرازی و طریقلرک و مجرالرک کشادی و معبد و مکتب و قره غول محله رینک تعیینی کبی حکومت عانده بر طاقم امورک تنظیمنه متوقف اولدینی کبی اهالینک مدار حیاتی اولان هوا و صو و لوازم سائر ضروریلری نقطه سنده محل اجتماع اولمغه صالح اولوب اولماق جهتی تعیین ایلک حکومت عانده وظائفدن بولمغله اهالی بولنری کندی لکلریله یا به مزملر .

بناء علیه برکیمسه با سند خاقانی متصرف اولدینی اراضی سنده بوشرطه رعایت ایتیه رک محله یا قریه تأسیسنه تصدی ایسته حکومتجه منع اولنه جنی کبی بر تقریب ایله بولنری یا پارسه حکومتک هدم ایتکه و اراضی یی حال سابقه اعاده ایلکه حق واردر .

فقط بو مثللو مصارفات عظیمه ایله میدانه کلان مؤسساتی دفتر خاقانی مأمورلری خود بخود هدمه تصدی ایتیموب حکومت مرکزیه ایله بالمخبره آنه جق امر و تعلیمات دائره سنده حرکت ایدلمک ایجاب ایدر .

حکومت مرکزیه جه دخی بونک همان هدمنه مسارعت کوسترلیوب تحقیقات لازمه بالاجرا محله یا قریه حالنده قالمشده مصلحت و منفعت موجود اولدینی تین ایدرسه ایقا اولنه بیلور . عکسی حاله هدم اولنور .

اداره ولايات قانونه توفيق ايدلدن محله ياقريه تشكيلي حالده بونك هيئت سابقه سنه اعاده اوله جني قانونه صراحت مذكور دكسه بوجهت احكام عموميه سندن مستفاد اولور . زيرا حكومتك قانونا منع اينديكي برامري ابقا ايتك مجبوريتده بولنسه قانونك عملدن اسقاطي لازم كلور . بوايه جائز دكلدر . چونكه قانونك حكمي ديكر قانون ايله ابطال ايديله بيلور سده اغماض صوريله حكمتك ابطالي شان حكومته توافق ايتمز .

اداره ولايات قانونك دردنجي ماده سنده شويله مذكور در : ممالك عثمانيه داخلده كي سيار عشاير وقبائل صورت اسكان و اداره لري حقده بونلرك امرجه و ايجابات موقعيه و احتياجات اجتماعيه لرينه موافق نظامات خصوصيه ياييله جقدرد : بوماده موجبجه آتیده ياييله جق نظاماتده بوكا دائر ايصاحات كافي بولنه جني مستفاد اولور .

٢ - قريه يا محله ده توطن ايدجكلرك تبعه عثمانيه دن اولملري شرطدر . بر محله ياقريه اهااليسنك برطاقم حقوق سياسييه مالك اولملري و اجنييلرك بوندن محروميتلري دركار اولديني كي احكام شرعيه ايجانجه اجنييلرك صورت دائمه ده ممالك عثمانيه ده حق اقامته مالك اولملرلندن دائماً مقر اهاالي اولسي ايجاب ايدن محله ياقريه تأسيسنه اجنييلرك حق اوله ماز .

بناء عليه براجبي يابر عثمانلي باسند خاقاني متصرف اولديني اراضي سني محله ياقريه شكله افراغ واجبي تبعه سني اسكان و توطن ايتك تصدي ايسته هان منع ايدلسي لازم كلور .

مأمورلرك اهاال و تكاسلي نتيجه سي اوله رق بويله بر قريه يا محله ميدانه كتورلمش اولسه حكومت مركزيه ايله بالخابره ايجاب قانونيسنك اجرا و انقادي لازم كلور .

٧ ماده

بركيسه متصرف اولديني اراضي نك طور اغي استعمال ايله كرسيچ و طوغله و كيره ميدايه بيلور . وقوم و طاشلريني صاته بيلور . شوقدر كه بو خصوصاته قوانين و نظامات مخصوصه سي احكامنه تابع اولور .

اسباب موجب : عهده تصرفده اولان اراضي نك طور اغي مأمورندن اذن آلمدجه استعمال ايله طوغله و كيره ميد ياييله ميه جني و ياييلديني صورتده اول طور اغي قيمتي جانب ميري ايچون آله جني يولنده اراضي قانوننامه سنك اون ايكنجي ماده سنك حكمي حقوق تصرفيه ني و احتياج عمومي ني تضيق ايله جكي و بومقوله صنايعدن معدود اعمالك نظامات مخصوصه سنه تابع بولندي ريله جني دركار بولنسه بناء ماده مذكوره يرينه اشبو ماده ترقيم قلمشدر .

شرح : اراضي اميريه و موقوفه نك متصرفي مستأجر در . مستأجر ايسه مأجورك يالكز منفعتنه مالكدر . يوقسه نفس مأجوره يابعض اجزاسنه مالك دكلدر . شو حالده مستأجر صفيله رقبه سي بيت الماله

عائد اولان ارض ميريتك جزئي بولنان طور اغيندن و طاشلندن انتفاع ايدمه مامك لازم كلور كن بو ماده قانونيه بوجه مشروح انتفاعه مساعد ايدبور .

لكن صور مشروحه ايله متصرفنك انتفاعي مستأجر و اراضي متصرفي اولق اعتباريله دكلدر . بلكه بوقانوندن بشقه اولان ديكر قوانين و نظامات مخصوصه احكامنه توفيقاً بو انتفاع ايچون حكومته بشقه جه بدل اعطا ايدرك بوجه مشروح اراضي اميريه نك اجزاسني حكومتدن اشتر و تملك ايلسنه مبن بولنشدرد .

نته كيم بر كيسه مستأجر بولنديني خانه ويا كوشكك باغچه سنده كي طاشلري و طور اقلري مالكسندن صتون الملق كي بر وجهله تملك ايلسه مستأجر بوللري متملك اولق اعتباريله استهلاك ايدمه بيلور .

ماده قانونيه ده « قوانين و نظامات مخصوصه سي » دنيلوب اليوم طاش و كيرج او جاقلري و معادن حقده نظامات موجوددر . بو ، مستقل بر نظام اولق بونك احكامندن بوراده بحثه لزوم كورنمز . ايجابي حالده آكا مراجعت ايدلك لازم كلور .

خلاصه بوماده قانونيه ديكر نظامات مخصوصه ني اخطار ايتكدن بشقه اراضي اميريه متصرفه برحق و صلاحيت بخش ايتبور . و جوه مذكوره ايله حق انتفاعي بخش ايدن بوماده قانونيه دكل ، خصوصي نظاماتدر .

٨ ماده

باسند خاقاني تصرف اولنان اراضي اميريه مساع شرعيه بناء جانب حكومتدن با ملكنامه هايون تملك صحيح ايله تملك اولمده بر جهته وقف ايديله مز . و وصيت طريقه ترك اولنه ماز .

اسباب موجب سي : اراضي اميريه و موقوفه ده حقوق تصرفيه دردنجي ماده ده توسيع ايدلمش ايسه ده بونلرك مجازاً يا بدل مقابله فراغي صاحب ارض حكمنده اولان دفتر خاقاني مأموريسنك اذنه موقوف اولديغندن بونلردن فراغك وقت و فاته تعلقي ديمك اولان وصيت جريان ايتمه جكي كي اراضي اميريه دن برحلك قبل التملك وقف ايديله جكي ده قانوننامه نك يوز يكرمي برنجي ماده سنده مصرح بولنديغندن بوايكي جهت برلشديريله رك اشبو ماده قلمه آلمشدر .

شرح : بوماده منكشف اولق ايچون اوح قيدك ايصاحي لازمدر .

١ - تملك صحيح .

اراضي اميريه نك ملكيتي بيت الماله عائد اولق و امور عامه تصرف عامه ايچون منفعت و مصلحتك وجودينه متوقف بولنق جهته اراضي اميريه نك ملكيتي بيت المالدن بر شخصه نقل ايدلمه نك تحتده مساع شرعي يعني منفعت عامه بولنق شرطدر .

تمليكده مساع شرعي و منفعت عامه بولنق وجوه آتیه ايله اولور .

اولاً ، بيت المالك مضايقه سي زماننده ثمن مثل ايله بيع ايله .

شویله که اراضی امیریه در بر قطعه طرف سلطنت سینه در طلبه تملیک اولند قدده اگر وقت تملیکه بیت المالدیه مضایقه وار ایسه تملیک سخته مملکت اول قطعه جانب بیت المالدین ثمن مثلیه اشترا و ثمنی بیت الماله ادا ایتمی شرطدر. بوضورتده ثمن مثلندن نقصان فاحش ایله اشترا اولنسه تملیک صحیح حاصل اولماز. ثانیاً، وقت تملیکه بیت المالدیه مضایقه یوقسه تملیک سخته مملکت اول قطعه یعنی ایکی قات قیمت ایله جانب بیت المالدین اشترا ایتسه متوققدر. بو تقدیرده ایکی قات قیمتندن نقصان فاحش ایله اشترا اولنسه تملیک صحیح اولماز.

بحر رائق صاحبک بیانی. صاحب بحر، بو تقدیرده ایکی قات قیمت شرط اولیوب قیمت حقیقه سیله دخی بیع اولنه بیله جکی بیان وزیلعینک آتی الذکر عبارده سنی مقام استدلالده اتیان ایلشدر.

والامام ولایته عامته وله ان یتصرف فی مصالح المسلمین والاعتیاض عن المشترك العام جائز من الامام ولهذا لبواع شیئا من بیت المال صح بیعه.

زیلعینک شو عبارده سنده کی «شی» لفظی عام اولدیغندن عقار و منقوله شامل اولدینی کبی مذکور عبارده ده کی اعتیاض و بیع تعیرلری دخی مطلق اوله رق مذکور اولدیغندن احتیاج ایله و بلا احتیاج بیعه و ثمن مثل وضعف قیمت ایله تملیکه دخی تناول ایدر.

ثمن مثلندن نقصان فاحش ایله اشترا اولنسه ده بعده مشتری جانبندن برجهته وقف و تسجیل ایدلسه بووقفک حکمی نه در؟

بیت الماله عائد برمالک غین فاحش ایله بیعی بعض فقهایه کوره فاسد و دیگر بعض علمایه کوره باطل اولور. شراء فاسد ایله اشترا اولنان برمال قبل القبض وقف ایدلسه صحیح اولماز. زیرا شراء فاسد، قبل القبض ملک افاده ایلز. اما بعد القبض وقف اولنسه صحیح اولور. و آرتق فساد بیعدن طوی بایع یا مشتری جانبندن بیع فسخ و مبیع استرداد اولنه ماز. فقط بوضورتده مشتری اومالک تمام قیمتنی بایعنه ضامن اولور.

شراء باطل ایله اشترا ایدیلان مال، قبل القبض یا بعد القبض وقف ایدلسه صحیح اولماز.

بیع مذکور فاسددر دیان فقهایه کوره بعد القبض ووقفک صحیح و مشتری واقفک تمام قیمتنک ضامن اولسی لازم کله جکی کبی بیع مذکور باطل ایدوکنه ذاهب اولان فقهایه کوره کرک قبل القبض وقف ایدلسون و کرک بعد القبض وقف اولنسون وقف مذکور باطل و بیت المالک حق استرداد ی باقی اولور.

مجله نك ۳۵۶ ماده سنده بویبعک بطلاننه دائر اولان قول، اختیار اولنمش اولدیغندن ایجابی حالنده بیعک و بوکا مبنی بولنان ووقفک بطلاننه حکم ایتک لازم کلور.

بناء علیه برکیمسه بیت الماله عائد اولان برعقاری ثمن مثلندن نقصان فاحش ایله جانب بیت المالدین اشترا

وبعده برجهت خیره وقف ایلسه وقف مذکور باطل اولور. بیت المالک اول اراضی ی واضع الید بولنان کیمسه دن استرداد حق واردر. شوقدرکه اصلی اراضی امیریه دن اولدینی حالده قدیمه وقف ایدلمش اولان برمزرعه ی واقفک قبل الوقف جانب بیت المالدین اشترا ایدلیکی معلوم اولسه اول اراضی اوقاف صحیحه دن اولدیغنه حکم اولنق لازم کلور. زیرا معاملتک سخته حملی اولادر. کرک شرانک آنف البیان صورت مشروعه یه موافقتی معلوم اولسون کرک اولسون.

اما واقفک اول مزرعه ی جانب بیت المالدین اشترا ایتدیکی اصلا معلوم اولماز ایسه اول مزرعه نک اوقاف صحیحه دن اولدیغنه حکم اولنه ماز. زیرا واقفک مجرد آنی وقف ایتسنندن آنک ملکی اولسی لازم کلز.

بو صورتده اراضی امیریه مجرد با تملیکنامه تملیک ایدلمسیله تملیک صحیح حاصل اولماز. شویله که بر کیمسه اراضی امیریه دن بر قطعه ی آنفا بیان اولنان وجه ارزره شراء صحیح ایله جانب بیت المالدین اشترا ایتکسزین اول قطعه کندیسنه مجاناً تملیک ویدینه تملیکنامه اعطا اولنسه تملیک صحیح حاصل اولماز.

ثالثاً، امام ابی یوسفه کوره ارض میری طرف سلطانیدن بیت المالدین حق بولنان قراء، امام، مؤذن کیلره هدیه واحسان یعنی مجاناً تملیک اولنه بیلور.

رابعاً، رقبه سیده تصرفیده بیت الماله عائد اولان ارض میرینک مؤنت و مصارفی غله سنندن زیاده اولنجه ینه قیمت مثلیه سیله تملیک اولنه بیلور.

خامساً، بالاده کی ارض میری خرابندن خوف اولنسه بونک دخی دکریاتله آخره تملیک اولنه بیلور. برده اراضی امیریه نک تملیکی مصلحت عامه یی اخلاص ایدلیکی تقدیرده بالاده کی مسوغات شرعیه بولنسه بیله تملیک اصلا جائز و مشروع اولماز.

بناءً علیه محافظه مملکت امراهمنده بیت المال ایچون محافظه سی الزم اولان بر قطعه ارض میری کیمسه یه تملیک اولنه ماز. اوانسه بیله بو تملیک صحیح و مشروع اولماز. زیرا رعیه اوزرینه تصرف مصلحت و منفعته منوط و متوققدر.

۲ — وقف اولنه ماز. زیرا موقوف حین وقفده واقفک ملکی اولسی شرطدر. اراضی امیریه ایسه وقف ایتک ایستیان کیمسه نک ملکی اولیوب بلکه بیت المالک ماکیدر. حتی بر کیمسه ارض میری ی وقف و تسجیل ایدلکدن صکره بالاده کی مسوغات شرعیه دن برینک موجود اولسنندن طولانی جانب بیت المالدین اشترا و تملاک ایلسه بو وقف سخته منقلب اولماز. بلکه بعدالاشترا مجدداً وقف و تسجیل ایلسی لازم کلور.

۳ — وصیت اولنه ماز. زیرا وصیت مابعد الموته مضافاً تملیکیدن عبارت اولوب متصرف اراضی امیرییه مالک اولمیدنند حالا تملیکه مقتدر اوله میهنی کی مضافاً تملیکه دخی قدرتیاب اوله ماز. متصرف بواراضی بی وجوه خیره وصیت ایدمه میهنی کی بر شحصه دخی وصیت ایدمه من. ایدرایسه وصیت صحیح اولماز. وکالاول متصرفک تحت تصرفنده قالمش ووفاتی حالنده قانون انتقال موجبجه اصحاب انتقاله منتقل اولمش اولور.

بروجه مشروح وصیت ایدن کرک مسلم وکرک غیر مسلم اولسون فرق یوقدر. شوقدرکه اراضی امیرییه وموقوفه اوزرینه ابنیه وکروم واشجار کی شیر احداث اولنوبده بمحلال وصیت ایدلسه محدثات مذکوره ده یاراضیسنده یاخود ایکسینده ده وصیت جائز اولور می؟ بوجهت شایان تدقیقدر.

محدثات مذکوره بوقانونک نشرنندن مقدم حادث اولمش ایسه احداث ایدنه ملک اوله جغه کوره یالکر محدثاتده وصیتک جوازینه و فقط زمینی ارض میری اولغله بونده وصیتک بطلاننه حکم ایدملک لازم کلیر. بوتقدیرده محدثات، موصی له ویریلور ایسه ده زمینی موصینک اصحاب انتقاله انتقال ایلر. فقط بصورتده اصحاب انتقال طرفندن بو محدثاتک قلعی وهدمی طلب وادعا اولنه میهنی کی اصحاب انتقال طرفندن بوزمین آنجق موصی له فراغ اولنه بیلوب شخص آخره فراغه مساحده اولنه ماز.

بونندن صکره ابنیه واشجاردن اثر قالمیه جق صورته بونلر منهدم ومنقلع اولور ایسه بالامزاحم اصحاب انتقال یدنده ایضا ایدملک لازم کلوب بونندن صکره موصی له مجدداً بونلری احداث ایلیمه من.

ومحدثات مذکوره بوقانونک نشرنندن صکره احداث ایدلمش اولنجه بوقانونک بشنچی ماده سنده « ترا وسائر اراضیسنی رقبه سی بیت الماله عائد اولق اوزره کروم واشجار مثمره دیکرک باغ وقورو وبستان وبانچه حاله افراغ ایدر » دیه مصرح اولوب بو تصریح کوره اراضی بیت الماله عائد اولدینی کی محدثات مذکوره دخی بیت المالك ملک اوله جغه وموصی کندیسنه عائد اولیان بر ملک وصیت ایدمه میهنی کی بونک دخی وصیتی صحیح ومعتبر اولماق لازم کلور. یعنی قانونک حکمی بویله در.

— مابعدی وار —

محکمه تمیز رئیس اولی

علی میمنه

مشقت تیسیری جلب ایدر

بوقاعده محله نك مقدمه سنده نقل اولنان قواعد فقهیه نك اون یدنجیسی در، معناسی: برشیده صعوبت حاصل اولسی، کوچك كورلسی سبب تسهیل اولور، تعبیر دیگر ايله طارلق وقتنده وسعت کوسترملک لازم کلور دیمکدر: بوقاعده نك اصلی « یریدالله بكم اليسر ولایرید بكم العسر » نظم جلیلی ايله « وما جعل علیکم فی الدین من حرج » قول شریفی در. حدیث نبویه دخی « احب الدین الی الله تعالی الحنفیه السمیه » وارد اولمشدر. علمای شریعت: شرعک رخص و تخفیفاتی هب بوقاعده اوزرینه تخریج و تفرع ایدر دیدیلر وفقهاء کرام احکام شرعیده کوستردکاری رخص و تخفیفاتی بوقاعده دن استخراج ایلدیلر.

رائك ضمی و خالك قعی ايله [رخص] رخصتک جمعی در. رخصت: لغتده، یسرو سهولت معناسه در، اصطلاح شرعده: اعذار عبادیه مبنی لاجل التخفیف ثانیاً مشروع اولان حکمدر. شرعده رخصتک مقابلی عزیمتدرکه اعذار عبادیه مبنی اولیه رق ابتداء مشروع اولان حکمدر. اعذاره مبنی ثانیاً مشروع اولان حکم سببیه حصوله کن تخفیف و تیسیرده رخصت اطلاق اولنور.

رخص و تخفیفاتک جریان ایلدیکی مسائل و خصوصیات تبیع و تدقیق ایدیلنجه اسباب تخفیفک بعض امورده رجوع ایلدیکی اکلاشیله یورکه اواموردن بری ضرورتدر. مضطر قالان کیمسه نك، بعده بدائی ضامن اولق اوزره آخرک مالی تناول ایتمسه رخصت ویرلشددر. آخرک ماله تعرض حرام ایکن مضطر حقده ضرورتدن ناشی مباح معامله سی اجرا اولنه رق مؤاخذه ایدلیور.

ایکجیسی — سفر در، نوع سفر مشقتدن خالی اولمیدیغه مبنی بعض احکامده مسافرینه رخصت ویرلش و مثلاً دینک کتابت و اشهاد ايله توثیق امر اولمشیکن، یولجلیق حالنده یا تحریر سند ایلیمه جک کیمسه ايله شاهد و یادواة تحریر بولیمیه رق دینک علی الاکثر بوطریق ايله توثیق ممکن اوله مامسی عذرندن ناشی، حال مسافرتده دینک ارتهان طریقله توثیق، طرف شارعدن تحریر و کتابت طریقله توثیق مقامنه اقامه ایدلمش اولسنه مبنی حال مسافرتده کتابت و اشهاد حاجت اولقسزین یالکرز رهن النهرق توثیق دینه رخصت ویرلشددر. شاهد، آخر دیاره سفر ایلدکده حقوقه حامل بولندینی شهادتی دیگر بر کیمسه یه تحمیل ایلمسنک کندیسنه جائز اولسی ده بونوع اسباب تخفیفنددر.

اوجنجیسی — اکراهدر. کرک ملجی وکرک غیر ملجی اولسون، اکراه معتبر ايله وقوع بولان بیع وشر وایجار وهبه وفراغ وعن مال صلح واقرار وبراء و تأجیل دین واسقاط شفعه معتبر اولیور واکراه ملجی ايله آخرک مالی اتلاف ایدن کیمسه یه ضمان لازم کلور. مکره حقده ارزان اولنان بوتخفیفات محضا دوچار اکراه اولمسندن ناشی در.

دردنجیسی — جهلدر. شفیع بیعی بیلسده ثمنی و یامشتری بیلماسه بوجهتلی بیانجه یه دک شفعه سی ساقط اولیور. محل خفاده تناقضك معفو اولوب استماع دعوايه مانع اولماسی ده بوقیل اسباب تخفیفیه دندر. بشنجیسی — تقصدر. عموم صبیان و مجانین حقدیه تخفیفات وار. مثلاً اجاره باطله ده استعمال ایله اجرت لازم کادیکی حالده مال یتیم ایله مال مجنونه لازم اولیور. صبی ایله مجنونك علی الاطلاق ابراسی صحیح اولیور. حال صغر و جنت ایله مرور ایدن زمانه اعتبار اولمیه رق مرور زمانك مبدئ جنت و صغر زوال و انتقاضی تاریخندن معتبر اولیور. ذکوره واجب اولان بر چوق احکامدن نسانك استثنای ده بو نوع اسباب تخفیف دندر. مجله نك ۱۱۵۲ نجی ماده سنده ذکر ایدلیدی وجه ایله محافظه نفوس ایچون اولان تکالیف امیریه عدد رؤس اوزرینه تقسیم ایدلیور، نسوان و صبیان دفتر توزیع اداخل اولیور. نساء جمعه ایله جهاد ایله ده مکلف دکالر، لبس حریر و حلی ذهب ایسه کندیلرینه مباح قلنمش.

التنجیسی — عسر و عموم بلوی در. پارهیه احتیاجلری اولانلرك حاجتلینی دفع ایچون خلاف قیاس اوله رق سلم تجویز اولندی. سلم: مؤجلی معجله صامق، یعنی ثمنی در حال و یروب مدت معلومه دن صکره مبیعی اخذ ایلکدر. ترکجه سی پیشین پاره ایله ویره سی به مال المقدر. حین عقد بیعه مبیعك موجود اولسی لازم و مشروع اولدینی حالده حاجته مبنی سلمده بومشروعیت ساقط اولمشدر. بیع بالوفانك تجویزی ده بوسیدندندر؛ بخارا اهالیسند بوج تکثر ایتدکده کوریلان احتیاج اوزرینه بومعامله مرعی الاجرا اولمشدر. اجاره، اعاره، قرض طریقله غیرك مال و ملکندن انتفاع اولنسی تسهیلاً لامر مباح قلنمشدر. هر کسك انتفاعی کندی مال و ملکنه مقصور اولسه ده بشقه جهلدر دن انتفاع قبولری بسبتون مسدود بولنسه نه عظیم مشقت حاصل اوله جغنی بیان و توضیحه حاجت و ازمی؟ عسرت و مشقت یوزندن حصوله کله جك انواع محاذیر و مفساد ایله معیشت عالم هرج و مرج اولوردی. وکالت، ایداع، شرکت، مضاربه، مزارعه، مساقاة صورتیه آخردن استعانه یه ده رخصت ویرلشددر. بو استعانه و اعانه لر و علی الخصوص شرکت کی افراد امتك ثروت و سعادتیه و هیئت مجتمعه نك تقویت شوکت و اجلانه خادم بولنان معاملاتیه مساعدده ایدلماش؛ اولسه انسان ابناء جنسك اوزاته جنی دست معاونتک لطف امدادندن محروم و مأیوس اوله رق تنکنای اضطرارده بی تاب و محال قالور و بوده افرادی یکدیگرینی معاملات و معاوضاتده تقویه دن ممنوع برهیئت مجتمعه نك نهایت زوال حیات اجتماعی و اقتصادی سنه، اضمحلال عز و شان و اجلانه بادی اولوردی.

حواله

بو ذکر اولنان سبب اخیردن ناشی طرف شرعدن رخصت ویریلن معاملاتدن بری ده حواله در. حواله دینی دینه بیع دیمك اولدینی حالده حاجته مبنی تجویز قلنمشدر. حواله: لغتده، عین اولسون دین اولسون

علی الاطلاق برشیئی بر محلدن دیگر محله نقل و تحویل ایلکدر. اصطلاح فقها ده: دینی بر ذمتدن دیگر ذمه نقل ایتمه، یعنی محیل بولنان مدیونك ذمتنده کی دینك بو ذمتدن محال علیه ذمتنه نقل و تحویل ایدلمسنه اطلاق اولنور.

حواله اصطلاحیه ایجاب و قبولدن مترکب بر عقد اولوب نقلك کندیسندن عبارت دکلسده نقل واقع اوعقدك مقتضی و نتیجه سی بولندیغندن بو اعتبار ایله نقل مذکوره حواله اطلاق اولندی کی دین ذمتنه ثابت بروصف حکمی اولسنه و وصفك بر شخصدن دیگر شخصه انتقالی قابل اولیه جغه مبنی کرچه دینك بر ذمتدن دیگر ذمه نقلی قابل اوله میوب آنجق ذمت ثانیه ده مثل نظیری ثابت اولیور سه ده بوده تعیرده مسلحه قیلندن اولمغه، حواله نقل دکدر عقددر، و ذمتك نقلی قابل دکدر دیه تعریفه قارشو ایکی وجه ایله در میان قلنان اعتراضدن هیچ برینك جای قبول کورر انتقادات عدادنده بولندینی مستبان اولور.

حواله نك جوازی سنت و اجماع ایله ثابتدر. بخاری ایله مسلم «مطل الغنی ظم و اذا اتبع احدكم علی ملی فلیتبع [۱] ای و اذا احیل احدكم علی ملی فلیحتل» حدیث شریفی روایت ایتملر در. حدیث شریفده اتباع ایله اولان امر دلیل جوازدر.

دائن اله جغنی مطلقاً مدیوندن اله بیلوب دینك حواله آخر کیمسه دن استیفاسنه جواز اولسنه کرك دائن و کرك مدیون ایچون بوانحصاردن ناقابل توصیف مشکلات ظهور ایدر ایدی.

عند الحقیقه حواله ایله دین محیلك ذمتندن محال علیه ذمتنه انتقال ایدرك محیلك ذمتی محال به اولان دیندن بری اولاسی مؤبد و مطلق اولیوب شرط سلامتیه مقیددر و حین عقد حواله ده هر نه قدر بویه برقید ذکر اولنیور سه ده حال و عادتك دلالتیه بوقید معتبردر؛ چونکه محال لهك حواله المقدن مقصدی محال به اولان دینی محال علیه دن استیفا ایلکدر؛ یوقسه مجرد دینك محال علیه ذمتنده وجوبی دکدر؛ زیرا نفس وجوبیه ذم بیننده تفاوت یوقدر.

حوانه ده محال لهك حقنك سلامتی بیعه مبیعك سلامتی کی در. بیع مطلق مبیعك فصل جمیع عیوبدن سالم اولسنی اقتضا ایدر سه حواله دخی محال لهك حقنك توی و هلاکدن سالم اولسنی اقتضا ایلر. بناء علیه توی تحقق ایدنجه دین محال به محله عودت ایدر و حواله برائت مؤبدیه ایجاب ایلدیکندن محیل بعد الحواله محال به اولان دینی محال لهه تأدیه ایده جك اولور سه؛ بو تأدیه نفس حواله ایله استفاده ایده مدیکی برائت مؤبدیه اکتساب ایچون اولوب بوده تبرع محض اولمیدی جهتله، محال له قبوله مجبور اولور؛ حواله نك انعقادندن صکره محیلك ذمتندن دین محال به ساقط اولمشیکن بو تأدیه سی تبرع محض اولمغه قبوله مجبور دکلم دیه مز.

[۱] ایکی یرده ده تانك سکونی ایله در. ایکنجی صیفه ده تانك تشدید جأزدر.

بوحالده زيرده نقل اولنان شو ايكي اعتراض وارد اولماز :

اولا - حواله ايله دين محيلاك ذمتندن محال عليهمك ذمتنه انتقال ايتمشكن توى تحقيق ايدنجه دين محال به محيله نصل عودت ايدور .

ثانياً - بعد الحواله محيل محال بهي تأديه ايدجك اولورسه ، ذمتندن ساقط اولمش بر ديني تبرعاً تأديه ايتمشك ذمتك اولديني جهتله محال له بوي قبوله مجبور اولماق لازم كلور ايكن نهدن مجبور طوتيلور .

حوالده محيلاك محال لهمك مديون اولمشي شرطدر . لكن محال عليهمك محيله مديون اولمشي شرط اوليوت محيلاك آنده اله جنبي اولمسه ده حواله سي صحيح اولور (مجله - ۶۸۶) .

برده ، يالكيز محيل ايله محال له بيننده اجرا اولنان حواله محال عليهمك لذي الاعلام قبول ايتدكه صحيح وتمام اولور . (مجله - ۶۸۲) . قبول ايتيوت رد ايتسه و ياخود قبول ورد ايتكسزين محال عليه فوت اولسه حواله باطل اولور ؛ چونكه حواله ايله كنديسنه دين لازم كليور ، بوحالده التزام دين ايتيوت لابددر ، ديني التزام ايتدكه دين ايله الزام اولنه ماز .

حواله حقنده سرد اولنان بو افادات تلخيص ايديلنجه شو اوج شي تعين ايدور : عندالحنفيه حواله ايله مديون ايچون حاصل اولان برائت مؤيد و مطلق اوليوت شرط سلامت ايله مقيد . ايكنجيسي ، حواله نك صحتي ايچون محال عليهمك محيله مديون اولمشي شرط دكل ، محيلاك آنده اله جنبي اولمسه ده حواله سي صحيح . اوجنجيسي ، محال ايله محيل بيننده اجرا اولنان حواله نك صحت و تأميني محيال عليهمك قبول ورضاسنه منوط .

مذهب شافعيده ايسه حواله نك محيل ايچون افاده ايدليك برائت مؤيد و مطلقدر ؛ شرط سلامتله مقيد ، يعني محال لهمك حقتك سلامت وعدم هلاكيه مشروط دكلدر . حواله عقد ايدلديجي ايدى ارتق محيلاك ذمتي محال لهمك دينندن بتون بتون بري اولور و محال لهمك حقي محيلاك ذمتندن محال عليهمك ذمتنه بلا قيد و شرط انتقال ايدر ؛ بو سببندر كه بعد الحواله محال عليهمك مفلس اولمشي و ياخود حواله ي انكار ايدوب ده كرك محيل و كرك محال له طرفندن حواله نك اثبات اولنه مامسي كي برصورتله محال بهك محال عليهمك اخذى تعذر ايتسه محال له محيله رجوع ايدمزر . حتى محال عليه حين عقد حواله ده مفلس اولوب ده محال له انك مفلس اولديني بيلمسه ، تفحص احوالده تقصير ايتمش اولديني جهتله ، ينه محيله رجوع ايدمزر . علماء شافعيه ديورلر كه محال بهك محال عليهمك اخذى تعذر ايدليك حواله محال لهمك محيله حق رجوعى حواله ده شرط قلنسه ، بوشروط مقتضاي حواله نك خلافي برشرط اولديغندن ، حواله صحيح دكلدر و حين حواله ده محال عليهمك يساري شرط ايديلوب ده مفلس بولنديني تبين ايلسه ، بوحالده بيله محال لهمك محيله حق رجوعى يوقدر ، محال عليهمك محيله مديون اولمشي عندالحنفيه حواله ده شرط اوليوت محيلاك آنده اله جنبي اولمسه ده

حواله سنك صحيح اولديني آنفاً ذكر ايدلمشيدى . حالبوكه عندالشافعيه من لادين عليه اوزرينه حواله صحيح دكلدر ؛ بناء عليه من لادين عليه حواله ي قبول ايدوبده محيلاك ديني كنديلكنندن ادا ايلسه ، بو ادا غيرك ديني قضا قيلندن اولوب حواله قيلندن اولماز .

محال له ايله محيل بيننده اجرا اولنان حواله نك صحت وتماميتي عندالحنفيه محال عليهمك قبول ورضاسنه منوط اولديني حالده قول اصحه كوره مذهب شافعيده محال عليهمك قبول ورضايي شرط دكلدر ؛ چونكه محال له صاحب حقددر ، حقني استيفا ايچون آخرى توكل ايدم بيلديكي كي مديونندن بالذات استيفاي حق ايتيوت بشقه طريق ايله ده حقني استيفا ايدم بيلور .

سفتجه

بوكون جهان تجارتك وبلكه بتون روابط اقتصاديه نك ركن ركني اولمش بر معامله واردركه اوده سفتجه ونام معروفيله پوليجه در . پوليجه نك عالم تجارتيه علاقه سي ، نيلاك خطه مصريه علاقه سي كي در : نيل قالدير ، مصر بر وادى غير ذى زرع قالور ؛ پوليجه معامله سي جريان ايتسون ، عالم تجارتيه كي اولولوله وطنظه سوزكيدر ، رونق وشعشه داد وستد قالماز .

سينك ضمي و تانك فتحي ايله سفتجه ، فارسي اولان سفته نك معربى در و معنای لغويي شى محكم ديمكدر ، جمبي سفايح . سفتجه معامله سنه هر هانكي نقطه نظرندن باقيلورسه باقيلسون معنای حواله ي احتوا ايدر . بونكه چوندر كه كتب فقهيه مزده بومعامله كتاب الحواله نك آخرنده ذكر ايديلور . فقهاء كرام كندى عصر لرنده سفتجه يه متعلق معامله نك اكثري اعتباريله صورت جرياننه نظر ايدرك سفتجه يي : خطر طريقك سقوطي ايچون اقراضدن عبارتدر ديه تعريف ايتشدر و صورت اقراض ده بر كيمسه نك ديكر بر كيمسه يه آخربلده ده بولنان بدروسته ويا آدمه تأديه ايتك و بوجهتله خطر طريقك سقوطندن استفاده ايتك اوزره قرضاً آتجه و ير مسيدر ديه ايضاح ايتشدر . بو تعريف و ايضاحدن صكره ده ، بومعامله قرض ايله استفاده اولمش برنوع نفع اولوب نفعه منجر اولان قرضدن ايسه نهى وارد اولمشدر زميننده تعليل ايدرك سفتجه نك مكروه اولديني بيان ايتشدر . صورت نقل و حكايدن معلوم اولديني اوزره سفتجه نك مكروه اولمشي حقنده كي رأى واجتهد ، منفعتك مشروط اولمسيه مقيد اولوب اكر بوشروط مشتني اولورسه كراحت يوقدر . نته كيم وثائق آتیه بوكا شهادت ايدور :

رجل اقراض رجلاً على ان يكتب له بذلك الى بلد كذا لا يجوز ذلك . وان اقراض بغير شرط وكتب له بذلك الى بلد آخر سفتجه جاز .

كراهة السفتيج لو كان مشروطاً في القرض على ماصوره المصنف ، اما لو اقرضه بغير شرط ثم عين الدفع سواء كان التعيين من عند نفسه او من طلب المستقرض فلا كراهة .

حاشية الدرر للمولى عبدالحليم

السفتجة اقراض لسقوط خطر الطريق فكأنه حال الخطر المتوقع على المستقرض فكان في معنى الحوالة . وقالوا اذالم تكن المنفعة مشروطة ولا متعارفة فلا بأس .

الدر المختار

سكن سنة لاهيده اجتماع ايدن پولچه مؤتمرنده دولت عليه مرخصى صفيله حاضر بولنان محكمة تميز جزا دائره سى رئيس فاضلى عثمان بك افدى طرفدن عدليه نظارت جليله سنه تقديم اولنوب برصورتى جريدة عدليه نك ٥ كانون اول سنه ١٣٢٧ تاريخ ٨٣ عددلى نسخه سنده مطبوع بولنان تقرير رسميده بيان ايدلىكى اوزره بين التجار تقرر ايدن معامله كوره اليوم پولچه برآلت تأديه اوله رق استعمال ايدلىكه بولنسنه مبنى انكلتره والمانيا واوسترياء مجارستان وايتاليا وحتى فرانسه ديهيله پولچه ده مغايرت مكان لزومى ، يعنى بدلنك كشيده اولندينى محلك غريسنده تأديه ايدلسى شرطى رفع والغا اولنش وبوخصوص باب عاليجه ده تنسيب وقبول بيورنش اولمخله ، عصر مزده جارى معاملات تجاريه وصرافيه درپيش مطالعه ايدلىنجه پولچه ده سقوط خطر طريق علتى ذاتاً وارد اولندينى كى مغايرت مكان شرطنك الغاسى حسييله هله علت مذكوره شمديلى هيج جاي ملاحظه اوله ماز .

سفتجه نك صورت استعمالى بوجه ايله تعين ايدلىك صكره مرسل اليه حقه ترتب ايدن حكمه نقل كلام ايدم . سفتجه مكتوب اليه لدى الارائه ضمان والتزامى متضمن برسوز ايله قبول ايدلىكه بدلنى تأديه ايتسى لازم كلور .

فأئده المكتوب اليه السفتجة متى قرأها وقال لمن اتى بها قبلتها او كتبها عندى او اثبتها لزمه ما فيها كذا افاده فى الخانية فى مسائل السفتجة اولها .

الفرائد البية لمحمود افندى الحمزاوى

رجل جاء بكتاب السفتجة الى رجل من آخر فقرا ثم قال كتبها لك عندى او قال اثبتها لك عندى فهذا ليس بضمن بخلاف ما اذا قال كتبها لك او اثبتها لك على ، لان كلمة (عندى) لاتنبئ عن الالتزام ، بخلاف كلمة (على) حيث تذكر للالتزام .

صدر مقاله ده كى قاعده مطلقى

مقيدى

مشقتك تيسرى جلب ايتسى قاعده سى مطلق دكدر ، انحق حقه نص اوليان مواده جارى اولور . بناء عليه منصوص عليه اولان ماده لرده مشقت تيسرى جلب ايدم .

اشباه شارحى حموى مرحوم : جرح ومشقتك انحق نص اوليان يرلرده نظر اعتباره النهجفه امام ابو يوسف حضرتلرينك قائل اولمدينى واثك عندنده نص اولسون اولسون بو قاعده نك صورت مطلقه ده جريان ايدلىكى سياق رأى واجتهادندن نمايان اوليور مألنى مشعر برصورتده اجاله خامه بيان ايدلىك صكره بوباده كى ذهابنك تنويرى ايجونده « كورليورى كى امام مشاراليه خلافه نص ورود ايتشيكى عرف ايله عمل ايدرك وزن اولنان اشيا ده تكيلى وتكيد ايدلىن اشيا ده وزنى تجوز ايديور » جمله سنى ترديف ايتش ايسه ده ، عرف ايله نص تعارض ايدلىكه امام ابو يوسف حضرتلى على الاطلاق عرفى ترجيح ايتيوب بلكه نص عرف وعادته مبتنى اولورسه ، حكمى عرف وعادتك تبدلى ايله تبدل ايدم جكى جهته ، انحق اوزمان اوزمان عرفه اعتبار اولنه جغه قائل اولدينى برروايت كوره كنديسندن نقل ايدلمش اولسنه كوره شارح حموينك تنويرى تأييد ذهابنه صورت مطلقه ده كفايت ايتز ، تفصيل ايجاب ايدر .

باش مدعى عمومى بركت زاده

اسماعيل مقي

۲۲۴۶ پاشا اورمانده ابراهيم بك قريه سندن داود اوغللری طاهر و سليمان و ارسلان گری زوجہ سی
عائشہ بنت داودك بش قطعده قرق طقوز دونم ترلاری .

۲۲۴۷ بيوك اچه قريه سندن ارسلان اوغلی عمر ك التي قطعده اوتوز بر بچق دونم ترلاری .

۲۲۵۰ اسكوي قصبه سندن سرت اوغلی حافظ حسين بن عثمانك اوج قطعده قرق بش دونم ترلاسی .

۲۲۵۱ يوقاری بك قريه سندن عثمانجه اوغلی احمد بن حسنك اوج قطعده اون يدي دونم ترلاسی .

۲۲۵۲ حاجی عالیار قريه سندن وزیر اوغلی رجب بن محمدك اوج قطعده يکرمی بر دونم ترلاسی .

۲۲۵۴ داریجی قريه سندن همشیری اوغلی حاجی احمد اولادلری علی و مصطفی نك ايکي قطعده اوتوز دونم ترلاسی .

۲۲۵۵ داریجی قريه سندن بربر اوغلی شاكر بن عبداللهك اوج قطعده يکرمی سکیز دونم ترلاسی .

۱۰۶۴ جامع کير محله سندن رضا بك زاده ضیا بكك درت يوز زراع بر باب خانهد .

۱۲۵۹ پرپر قريه سندن ايوب اوغلی شعبان اغانك التي قطعده يکرمی طقوز دونم ترلا .

۱۸۹۱ جامع کير محله سندن يکرمی بش اوغلی رفعت افندی بن شاكر چاوشك بکچيلر قريه سی حدودنده
برقطعده يدي دونم ترلاسی .

۱۸۹۲ نصرالدين محله سندن زين الدين اوغلی عبدالرحمانك شرفيه محله سی وچام قريه سی حدودلرنده ايکي

قطعده يکرمی بش بچق دونم ترلاسی .

۱۸۹۴ عرب چفتلك قازيق اوغلی اسحق قريه سندن موسی اوغلی بيرامك اوج قطعده يکرمی سکيز

بچق دونم ترلاسی .

۱۸۹۵ سرای بری قريه سندن چركس لوستانغول اوغلی حسن اولادلری موسی و رفيعه و اسمانك ايکي

قطعده التمش دونم ترلاسی .

۲۲۶۰ اسكوي قصبه سندن لاز ارسلان اوغلی نسيم بن خورشيدك ايکي قطعده اون دونم ترلاسی .

۲۲۶۱ حاجی عالیار قريه سندن قره عبدالله اوغللری علی عثمان و شعبان و کریمه سی حديجه بنون محمدك

برقطعده درت دونم ترلاسی .

۲۲۶۲ حاجی عاطف افندی قريه سندن شروح اوغلی حافظ اسماعيل افنديك ايکي قطعده اون طقوز

دونم ترلاسی .

۲۲۶۴ برهانيه محله سندن پاتيك اوغلی حاجی ابراهيم بن همشيدك بش قطعده متك وقازيق اوغلی حاجی

مصطفی قريه لری حدودلرنده التمش طقوز دونم ترلا .

۲۲۶۶ داریجی قريه سندن علی اوغلی احمدك اوج قطعده اون بش دونم ترلاسی .

۲۲۶۸ سبوق اوغلی قريه سندن موسی افندی اوغلی يوسفك برقطعده اون التي دونم ترلاسی .

۲۲۷۰ قازيق اوغلی حاجی مصطفی قريه سندن ليساج اوغلی غوجبس اغانك ايکي قطعده اوتوز يدي

بچق دونم ترلاسی .

۲۲۷۴ يقه قريه سندن حاجی احمد اوغلی اورجی احمد اغانك اوج قطعده يوز اون سکيز دونم ترلاسی .

۲۲۷۵ شرفيه محله سندن پونجی اوغلی ابراهيم افندی بن احمدك اغا قريه سی حدودنده برقطعده يکرمی

طقوز دونم ترلانك نصف حصه سی .

۲۲۷۷ شرفيه محله سندن پونجی اوغلی ابراهيم افندی بن احمدك يدي قطعده و اغا قريه سی حدودنده

قرق درت بچق دونم ترلاسی .

۲۲۷۸ اسكوي قريه سندن اسماعيل اوغلی کوريجی کریم افنديك يدي قطعده الی التي دونم اوج اولك ترلاسی .

۲۲۷۹ نعلبند اوغلی قريه سندن بقال اوغللری حسن و حسين و احمد بنون عثمان افنديك بر قطعده

يدي دونم ترلاسی .

۲۲۸۰ چاقرلر قريه سندن ابراهيم اوغلی مصطفی نك برقطعده اون ايکي دونم ترلاسی .

۲۲۸۱ يوقاری بك قريه سندن کورجی اوغلی علی بن مصطفی نك ايکي قطعده يدي بچق دونم ترلانك

ثلثان حصه سی .

۲۲۸۲ برهانيه محله سندن پانك اوغلی حاجی ابراهيمك بکچيلر وقازيق اوغلی حاجی مصطفی قريه لری

حدودلرنده ايکي قطعده اون بش دونم ترلاسی .

۲۲۸۳ قازيق اوغلی حاجی مصطفی قريه سندن بشاف اوغلی يوسفك يحيالر قريه سی حدودنده برقطعده

يکرمی بش دونم ترلاسی .

۲۲۸۴ يقه قريه سندن حاجی احمد اوغلی عمر بن ادريسك ايکي قطعده يوز اون بر بچق دونم ترلاسی .

۲۲۸۵ اسكوي قصبه سندن اسماعيل اوغلی کورجی کریم افنديك ايکي قطعده يکرمی بش دونم ترلا .

۱۵۵۰ داریجی قريه سندن حاجی نعلبند اوغلی محمد اغانك ايکي قطعده الی درت دونم ترلا .

۱۷۵۱ عرب چقتلكی قريه سندن المرز زوجہ سی حنيفه بنت محمدك درت قطعده يوز التي دونم ترلاسی .

۲۰۲۱ داریجی قريه سندن علمدار زاده محمد بك اولادلری حقى واحد افنديلر و کریمه سی امينه خانملرک

التي قطعده يوز اوتوز بش دونم ترلا .

۲۰۲۲ داریجی قريه سندن علمدار زاده محمد بك اولادلری حقى واحد و کریمه سی امينه خانم بنت محمدك

اوج قطعده يوز اوتوز بچق دونم ترلا .

۲۱۲۶ الماچقده بشاف بك قريه سندن حابوح اوغلی صالحك ايکي قطعده يکرمی بش دونم ترلا .

۲۲۸۸ يقه قريه سندن حاجی احمد اوغلی محمد بن عمر کفيلي حاجی احمد اوغلی اورجی احمد اغانك بر

قطعده درت دونم ترلا .

۲۲۹۰ جديديه محله سندن احمد افندی زاده يوسف جمال افندی کفيلي داریجی قريه سندن علمدارزاده

محمد بك بن حاجی عثمان افنديك اوج قطعده الی درت دونم ايکي اولك ترلانك نصف حصه سی .

۲۲۹۴ اسکوبی قصبه‌سندن سرت اوغلی ابراهیم افندی بن عثمانک لازجیدیه قریه‌سی حدودنده ایکی قطعه‌ده قرق بش دونم ترلا .

۲۳۰۱ اسکوبی قصبه‌سندن سرت اوغلی ابراهیم افندی بن عثمانک آلتی قطعه‌ده قرق اوچ دونم نصف ومستقل ترلا .

۲۳۰۲ جدیدیه محله‌سندن مفتی حاجی حسین افندی کریمه‌سی و عبدالرحمان زاده حاجی حمیدی بک زوجیه‌سی سینه خانمک قایماقچی قریه‌سی حدودنده ایکی قطعه‌ده آلتیش اوچ دونم ترلا

۲۳۰۳ کول اورماننده حاجی موسی قریه‌سندن طربزونلی تیمورچی اوغلی کاظم بن احمدک بر قطعه‌ده اللی دونم ترلاسی

۲۳۰۵ خطیلی قریه‌سندن شا کر اولادلری راشید و ذلیخانک اوچ قطعه‌ده اون سیکز دونم بر اولک ترلاسی

۲۳۰۷ حاجی عاطف افندی قریه‌سندن موسی اوغلی صالح افدینک بر قطعه‌ده اوتوز دونم ترلاسی
۲۳۰۸ قازیق اوغلی حاجی مصطفی قریه‌سندن علی افندی اوغلی اسماعیلک بر قطعه‌ده بش بچق دونم ترلاسی

۱۶۵۲ جدیدیه محله‌سندن اسماعیل اوغلی چاقاچق موسی افندی کفیلی محله مذکوره‌دن حاجی اوغلی حاجی موسی افدینک چارشو دروننده یکریمی سکیز زراع بر باب کارگیر دکان

دوزجه زراعت باقه‌سی صندوقدن بالاده محررالاسامی کسانک استقراض ایلدکلری مبالغی وعده معینه‌سنده تسویه ایتمکلری جهته وفاء مرهون بالاده مرقم اموالک تاریخ اعلاندن اعتباراً اون بش کون صکره مزایده‌سینه باشلانهرق ایکی ماه صکره قرار داده‌سی کشیده اولنه‌جنی وتکرار ایکنجی اعلاننک اجراسبله اوتوز برکون طرفنده لاقل یوزده بش ضمه پی قبول ایدیله‌رک احاله قطعه‌لری اجرا قلنه‌جغندن طالب اولنلرک دوزجه قضاسی اجرا دائره‌سینه مراجعت ایلیری اعلان اولنور.

* *

کلیولیده صراف حاجی یاقوقان دیوینک چارداق ناحیه‌سندن حاجی عثمان اوغلی مصطفی ذمتنده اله‌جنی اولدینی مبالغ معلومه‌نک تأمین استیفاسی ضمتنده تحت حجزه آلدیردینی مدیون مرقومک چارداقده شرقاً خانلر غرباً حاجی قواص کریمه‌سی حفیظه تارلاسی شمالاً علیجک اوغلی جنوباً خلیل بک تارلالریله محدود اوچ دونم عتیق تارلاسی تاریخ اعلاندن اون بش کون صکره بالمزایده فروخت اولنه‌جنی لایسکی بدایت محکمه‌سی اجرا دائره‌سندن اعلان اولنور .

* *

باندرمه‌ده مقیم کولفلی قریه‌لی حاجی عثمان اغانک باندرمه‌لی اغوب خودبکیان افندی به محکوم اولدینی

الی یدی عدد لیرای عثماننک تأمین استیفاسی ضمتنده تحت حجزه النان مدیون مرقومک باندرمه فصیه‌سی جوارنده صوفی اوغلی نام محله کائن طرفلری شرقاً کم الماز زاده اسماعیل افندی غرباً دره شمالاً کرباقو باغلی جنوباً تاتار حاجی اسماعیل افندی ایله محدود بردونم باغی بالمزایده بیک ایکی یوز یکریمی غروشه‌ده طالبی عهده‌سنده تقرر ایدرک موقت قرار داده‌سی کشیده اولدیغندن تاریخ اعلاندن اوتوز برکون صکره احاله قطعه‌سی اجرا قلنه‌جغندن طالب اولنلرک یوزده بش ضمه پی سورملری ایچون باندرمه اجرا دائره‌سینه مراجعت ایلیری ایکنجی دفعه اعلان اولنور .

* *

کلیولیده مقیم اسپانیا دولتی تبعه‌سندن بخور سراغوسک کلیولیلی حاجی عورام ولداسرایلدن اخذ واستقراض ایدوب تسویه ایلدیکی مبالغ مقابلنده مرهون کلیولیده پارمق قبوده کائن دکانک آلتیش ایکی سهم حصه‌سنگ تقررینی اعاده ایتمکسزین وفات ایدن مرقومک ورثه‌سی علیهنه مرهون مذکور سهمک راهنه اعاده‌سی ضمتنده اعاده تقریره ورثه‌نک مجبورطوتلری لزومنه دائر کلیولی بدایت حقوق محکمه‌سندن استحصال ایلدیکی ۱۰ حزران سنه ۳۲۹ تاریخ وبوز سکیز نومرولی اعلامک محکوملردن سولطانه‌نک اقامتگاه‌ی مجهول بولنسندن ناشی تبلیغی تعذر ایدرک صورت مصدقه‌سی اصول محاکمه حقوقیه قانوننک یوزقرق طقوزنجی ماده‌سی حکمنه توفیقاً تبلیغ عد اولنق اوزره محکمه دیوانخانه‌سینه تعلیق اولدینی کبی اوراق حواذله دخی اعلان کیفیته ابتدار قلندی .

بسم الله الرحمن الرحيم
 في شهر ربيع الثاني سنة ١٣٢٩
 في مدينة دمشق
 في يوم الاثنين
 في الساعة الخامسة
 في شهر ربيع الثاني سنة ١٣٢٩
 في مدينة دمشق
 في يوم الاثنين
 في الساعة الخامسة



في شهر ربيع الثاني سنة ١٣٢٩
 في مدينة دمشق
 في يوم الاثنين
 في الساعة الخامسة

في شهر ربيع الثاني سنة ١٣٢٩
 في مدينة دمشق
 في يوم الاثنين
 في الساعة الخامسة

مذرجات

٢٠، اغستوس - ٣٢٩

قسم رسمي

- نومبريات عربية (١) - ٢٤ تموز ٣٢٩ ٤٢٦٩
- قوانين و نظامات (١) - قانون جزائك يوزنميش طقوزنجي ماده سنك ٤٢٧٠
- اصول محاكمة حقوقه قانون موقتي ذيلك (٢) ٣٠ ٤٢٧٢
- ٣٠، ٢٩ نجى ماده لرني معدل مواد تونيه (٣) ٣٠ ٤٢٧٢
- وارثه وصيت غير جائدر (١) - ١٢ اغستوس ٣٢٨ ٤٢٧٣
- مدعي عمومليك وظيفه سني ايفا ايدن ذاتك (٢) ٢٧ ٤٢٧٤
- اخيرا هيئت حاكمه مياننده بولندير بله رق اعطاي حكم اولنسي مخالف قانوندر (٣) ٢٧ ٤٢٧٤
- لاحقا واقع اولان پروتستو معاملات سابقه به (٣) ٢٥ تشرين ثاني ٣٢٨ ٤٢٧٦
- حاضر تأثير اوله ماز



- محکمہ تمیز جزا دارہ سی مقراتی — (۱) شہادات ایلہ ضبط ورقہ سی و مجروحک افادہ سی آرہ سندہ کی مہایت ۲۵ نیسان ۳۲۹ ۴۲۷۸
- » » (۲) متشبث جرم اولہ یلمک ایچون جرمک افعال اجرائیہ سندہ مباشرت لازمدر ۸ حریران ۳۲۹ ۴۲۸۰
- » » (۳) قتل و تطبیق مادہ ۲۵ ۴۲۸۱
- محکمہ تمیز استدعا دارہ سی مقراتی — (۱) ایسده جرم تشکیل ایدر بر فعل و حرکت موجود اولوب اولامسی خطیئات قانونیہ دندر ۱۹ ۴۲۸۳
- » » (۲) افعال تحقیرہ جملہ سندن اولان حرکتک ضرب تلقیسی غیر جائزدر ۲۰ ۴۲۸۴
- » » (۳) امنیتی سوء استعمال ۲۳ ۴۲۸۶
- شورای دولت مضبوط لری — (۱) خلاف واقع شہادتنامہ اعطا ایدن ہیئت اختیاریه و مختاران حقندہ کی تحقیقاتک مرجعی ۲۹ ۴۲۸۷
- » » (۲) جبراً فعل شنیدہ تصدی ایدن پولیس مأموری مصطفی افندی حقندہ ۴۲۸۸
- » » (۳) بروسہ ایتم مدبری اسماعیل حق و منادی احمد افندیلر عاینده اقامہ ایدیلن دعوانک مرجع رؤیتی ۴۲۸۹
- انجمن عدلیہ مقراتی — (۱) اعشار ملتزملرینک دینی حقندہ ۴ ۴۲۹۰
- » » (۲) دین ایچون مأمورین دولتک حبسی غیر ۲۵ نیسان ۳۲۹ ۴۲۹۱
- » » ۴۲۹۲
- محکمہ تمیز حقوق دارہ سنجہ ترقیاتی نتیجہ بنیر اولادہ دعاری اعوامانک ایستہ سی

قسم غیر رسمی

مقالات

(۱) —

- اموال غیر منقولہ نلک تصرفہ عامہ مواد قانونیہ { محکمہ تمیز رئیس اولی علی حیدر افندی حضر تلرینک ۴۲۹۵
- دار نشرجات
- موجہ حمایت، عثمانی محبہ، اجنبی محبہ، حمایت مدنیہ مختصرہ بولمانلر مختصرہ { جمال الدین و ہراند آصادور بکلرک ۵۰۱۱

(۱) —

- { شلاء نداد القای مضبوط شلاء ہر شہدہ
شلاء ہر شہدہ مضبوط شلاء ہر شہدہ
شلاء ہر شہدہ مضبوط شلاء ہر شہدہ

- { (۲) شلاء نداد القای مضبوط شلاء ہر شہدہ
(۳) شلاء نداد القای مضبوط شلاء ہر شہدہ